



文苑英華卷第一百九十三

樂府二

神仙篇三首

昇仙篇一首

昇天行三首

步虛詞十首

飛龍引三首

鳳簫曲一首

鳳笙曲一首

陽春歌六首

金一作會樂歌三首

白紵歌十八首

美女篇四首

日出東南隅四首

日出行三首

月重輪一首

泛舟行大江二首

雨雪曲六首

神仙篇

張正見集

億舜日萬堯年詠湛露歌採蓮願雜百和氣宛轉金爐前

同前

盧思道

浮生厭危役一作促名岳共招携雲軒遊紫府風駟立一作上

丹梯時見遼東鶴屢聽和一作淮南鷄王英持作寶瓊實採

成蹊飛策揚輕電懸旌耀彩蜺瑞銀光似燭靈石髓如泥

寥廓鸞山右超遙樂府一作鳳州西鳳州西一作超遙一丸應五色特

此救行迷

此詩二百三十五卷道門重出今已削去注異同為

一作

同前

魯杞樂府作杞

王遠尋仙至欒巴訪術迴乘空向紫府控鶴下蓬萊霜分

白鹿駕日映流霞杯煎金丹未熟醒一作醞酒藥初開乍應

觀海變誰肯畏年頽

昇仙篇

梁簡文帝

少室堪求道明光可學仙丹縉碧琳宇綠王黃金篇雲車

了無轍風馬詎須鞭靈桃恒可餌幾迴三千年

昇天行三首

劉孝威類聚作曹植

乘橋一作躡追術士遠之蓬萊山靈液飛素波蘭柱上參天

文一作玄豹遊其下翔鸞一作鷗戲其巔乘風忽登舉彷彿一作

防見衆仙

二

扶桑之所生乃在朝陽谿中心陵蒼皓一作昊布葉盖天涯

日出登東幹既夕沒西袂願得紆陽轡迴日使東馳

同前

盧思道

尋師得道訣輕舉厭人群玉山候王母珠庭謁老君煎為

返魂藥刺作長生文飛策乘流電彫軒曳彩一作紫雲玄

洲望不極赤野眺無垠金樓旦蹇嵯王樹曉氛氳擁琴遙

可聽一作望吹笙遠詎聞不學一作覺蟬蛸子干侶一作迢何

紛紛

道士步虛詞五首

庾信

渾成空教立元始正一作塗面一作開赤王靈文下朱陵真氣來

中天九龍館倒景八風臺雲度弦歌響星移宮殿迴青衣

上少室童子向蓬萊逍遙問四會倏忽度三災

二

東明九芝蓋北燭一作屬五雲車飄颻入倒影出沒上煙霞

春泉下玉雷青鳥向金華漢帝看桃核齊侯問棗花上元

應送酒來向一作在蔡經家

三

歸心遊太極迴向入無名五香芬紫府千燈照赤城鳳林

採珠實春一作龍山種玉榮夏笛三山響一作夏簧春鍾九

乳鳴絳河應遠別黃鸝來相迎

四

凝真天地表絕相一作想寂寥前有象猶虛豁忘形本自然

開經壬子世一作歲值道甲申年迴雲隨舞曲流水逐歌弦

石髓香如飯芝房脆以蓮停鸞燕瑤水歸路上鳴天

五

洞靈尊上德虞石會明真要妙思玄絕一作虛無養谷神

丹丘乘翠鳳玄圃馭班麟一作移梨付苑吏種杏乞山人

自此逢何世從今復幾春海無三尺水山成數寸塵

同前

釋皎然

予因覽真訣遂感西城或作君玉笙下青真人間未曾聞日

華鍊精一作鬼精一作鬼一作皎皎無垢氛謂我有仙骨且令餌氤

氲俯仰媿靈頰願隨鸞鶴群俄然動風馭縹緲歸青雲

同前太清宮作

顧况

迥步遊三洞清心一作七真飛符超羽翼一作火醮星辰

殘藥沾鷄犬空一作香出鳳麟壺中無窄處願得一容身

同前二首

陳羽

漢武清齋讀黃書一作太一作官扶上畫雲車壇上月明宮殿

閉仰看星斗禮空虛

二

樓殿層層阿母家崑崙山頂駐紅霞笙歌出見穆天子相

引笑看琪樹花

同前

蘇郁

十二樓藏玉牒中鳳凰雙宿碧梧桐流霞淺酌留君醉今

夜吹簫第幾重

飛龍引二首

李白

黃帝鑄昇於荆山鍊丹砂成黃金六字集作丹砂成黃金騎

龍飛去太清一作上家雲愁海思令人嗟宮中綵女顏如花

飄然揮手凌紫霞從風縱體登鸞車一作從登鸞車侍軒轅侍軒轅

一作疊句遨遊青天中其樂不可言

二 前人

昇湖流水清且閑軒轅去時有弓劍古人傳道留其間後

宮嬋娟多朱一作花顏乘鸞飛煙亦不還騎龍攀天造天關

造天關聞天語長一作迎雲河車載玉女過紫皇紫皇乃賜

白兔所擣之藥方後天而老凋三光下視瑤池見王母蛾

眉蕭颯成一作如秋霜

同前 陳陶

有熊之君好神仙食霞鍊石三千年一旦黃龍下九天騎

龍枿枿昇紫煙萬姓攀髯髯墮地啼呼弓劍飄寒水紫鸞

八九墮玉笙金鏡空留照魑魅羽幢離徒銀漢秋六宮望

斷芙蓉愁應龍下揮中園笑泓泓水遶青苔洲瑞風颯還

天光淺瑤闕栽栽橫露苑沆瀣樓頭紫鳳歌三株樹下青

牛飯鴻臚九闕相玉皇鈞天樂引金華郎散花童子鶴衣

短投壺姹女蛾眉長彤庭侍宴瑤池席老兔春高桂宮白

蓬萊下國賜分珪阿母金桃容小摘仙流萬緘蟲篆春三

十六洞交風雲千年小兆一蟬蛻丹臺職臣扶桑君金烏

試浴青門水下界蜉蝣幾迴死

鳳簫曲雜言 沈佺期

八月涼風下高閣千金麗人卷綃幕已憐池上歇芳菲不
念君恩坐搖落世上榮華如轉蓬朝隨阡陌暮雲中飛鷺
侍寢昭陽殿班姬飲恨長信宮長信宮昭陽殿春來歌舞
妾自知秋至容華君不見昔時羸女厭世氛學鳳吹簫乘
綵雲含情轉盼向蕭史千載紅顏持贈君

鳳笙曲

前人

憶昔王子晉鳳笙遊雲空揮手弄白日安能戀青宮豈無
嬋娟子結念羅幃一作帳中憐壽不貴色身世兩無窮

陽春歌

柳顧言

春鳥一嘯有千聲春花一叢千種名旅人無語出簷楹思
鄉懷土志難平唯當文共酒暫與興相迎

同前

顧野王

春草正芳菲重樓啓曙扉銀鞍俠客至柘彈宛一作婉童歸
池前竹葉滿井上桃花飛薊門寒水歇爲斷流黃機

同前

吳邁遠

百里望咸陽知是帝京城一作國綠樹搖雲光春城起風色
佳人愛華景流靡園塘側妍姿艷月映羅衣飄蟬翼宋玉
歌陽春巴人長嘆息雅鄭不同賞那令君愴惻生重愛一作
受惠輕私自憐何極

同前

吳象之

簾低曉露濕簾卷鶯聲急欲起抱箜篌如疑彩絃澁孤眼
愁不轉點淚聲相及淨掃街上花風來更吹入

同前

檀約

青春獻初歲白日映雕梁蘭萌猶自短柳葉未能長已見
紅花發復聞綠草香乘此試遊行誰知心獨傷

同前

李白

長安白日照春空綠楊結煙垂裏風披香殿前花始紅流
芳發色繡戶中繡戶中相經過飛燕皇后輕身舞紫宮夫
人絕代歌聖君三萬六千日歲歲年年柰樂何

金會一作樂歌

梁元帝

鳴鳥怨別偶曙鳥憶離一作家石門一作題書字金燈飄

落花東風一作方曉星沒西山晚日斜毅衫迴廣袖團扇掩

輕紗暫借青一作心馬來送黃牛車

同前

房篆

前漢沅璧水後渚映青天登臺臨寶鏡開牕對綺錢玉顏
耀光彩羅袖拂金鈿春風散輕蝶明月映新蓮摘花競時
侶催栢及芳年

同前

梁簡文帝

槐花欲覆井楊柳正藏鴉山鑪好一作當無比玉構火牒賒

牀頭辟繩結鏡上領巾斜鐵鑊一作鍾種梁子銅樞生秦一作

棗花開門枕水柱一作拋城控一作按特言家

白紵歌

梁武帝

朱絲玉筍羅象筵飛管促節舞少年短歌流目未肯前含
笑一轉私自一作自知憐

二

朱光灼爍照佳人含情遠

一作意遙相親媽然一婉一作轉

此篇文苑英華接武帝前篇共是一首今郭茂倩樂

府拆而為二其題作沈約爰白紵歌却別有武帝

一首如後

纖腰嫋嫋不佞衣嬌怨獨立特為誰赴曲君前未忍歸上
聲急調中心飛

同前五首

張纘

秋風鳴一作蕭條露垂葉空閨光盡生一作坐愁妾獨向長夜

淚承睫山高水深一作照非路難涉望君光景何時接

二

遙夜風遠時既寒秋風簫瑟白露團佳期不待歲月蘭念
此遲暮獨無歡鳴絃流管增長嘆

三

歌兒流唱聲欲清舞女趨節體自輕歌舞並妙會人情調

一作依絃度曲惟一作婉盈盈揚一作娥眉為態誰自成一作自誠

四

遙夜忘寐起長嘆但望雲中雙飛翰明月入牖風吹幔中
夜悠悠坐申旦誰能知我中心亂終然有懷歲方晏

五

日暮牽門望所思風吹庭樹月入帷涼陰既滿草虫悲誰

文苑英華 卷一百九十三

勸富

能離別長夜時流嘆不寐一作寢淚如絲與君之別終何如

同前四特

隋煬帝

東宮春

洛陽城邊朝日暉天淵池前春燕歸含露桃花開未飛臨
風楊柳自依依小苑花紅洛水綠清歌婉轉繁弦促長袖
透迤動珠玉千年萬歲陽春曲

江都夏

梅黃雨細麥秋輕楓樹簫簫江水平飛樓綺觀軒若驚花
簾羅幃當夏清菱潭落日雙鳧舫綠水紅粧兩搖漾還似
浮桑碧海上詎一作誰肯空歌採蓮唱

和同前郭茂倩樂府作江都夏

盧茂

長洲茂苑朝夕池映日含風結細濟坐堂一作當伏檻紅蓮

披一作枝雕軒洞戶青蘋吹輕幌芳煙鬱金馥綺簷花簾挑

李枝蘭茗翡翠但一作恒相逐桂樹鴛鴦恒並宿

長安秋郭茂倩樂府又有虞茂此篇並附于此

露寒臺前曉露清昆明池水秋色明搖環動珮出曾城鷗
絃鳳管奏新聲上林蒲桃合縹緲甘泉竒樹上蒼青玉人
當歌理清曲婕妤恩情斷復續

同前三首

李白

揚清歌發皓齒北方佳人東隣子且吟白紵停綠水長袖
拂面為君起寒雲夜卷霜海空胡風吹天飄塞鴻玉顏滿
堂曲集作樂未終館娃日落歌吹濛一作深一無此句

月寒江深夜沉沉美人一笑千黃金垂羅舞榭揚哀音郢
中白雪且莫吟子夜吳歌動君心動君心冀君疑賞願作
天地雙鴛鴦一朝飛去青一作綠雲上

三

吳刀剪綺集作絲縫舞衣明粧麗服奪春暉揚日集作眉轉袖
若雲飛傾城獨立世所稀激楚結風舞名醉忘歸高堂月落
燭已微王釵掛纓君莫違

同前二首

楊衡

玉纓翠佩雜輕羅香汗微漬朱顏醜爲君起唱白紵歌清
聲裊雲繫思一作思多疑笳哀瑟一作琴時相和金壺半傾芳

復
夜促梁塵霏霏暗紅燭令君安坐聽終曲墜葉飄花難再

二

躡珠履步瓊筵輕身起舞紅燭前芳姿艷態妖且妍迴眸
轉袖暗催絃涼風蕭蕭漏水一作流水急月華泛灩紅蓮濕牽
裙攬帶翻成泣

同前

陳標

吳女秋機織曙霜冰蠶吐絲月盈筐金刀玉指裁縫促水
殿花樓弦管長舞袖慢移凝瑞雪歌塵微動避雕梁唯愁
一作恐陌上芳菲度狼籍鳳池荷葉黃

美女篇

蕭子顯

章卅一作卅暫輟舞巴姬請罷絃佳人淇浦出

一作上豔趙復

傾燕繁穠既為李照水亦成蓮朝酤成都酒暝數河間錢

餘光幸未借一作借二蘭膏空自煎

同前

梁簡文帝

佳麗盡關情風流最有名約黃能效月裁金巧作星粉光

勝玉靚衫薄擬蟬輕密態隨流臉餘嬌逐語聲

一作嬌歌逐軟聲

朱顏半已醉微笑隱香屏

同前

盧思道

京洛多妖艷餘春愛物華俱臨梁燈

一作水鄧渠水共

採艸園花時搯五明扇聊駐七香車情疏看笑淺嬌深眄

欲斜微津染長黛新溼輕紗莫言人未解隨君獨問家

同前

王琚

東隣美女實名倡絕代容華無比方濃纖得中非短長紅

素天生誰飾粧桂樓椒閣木蘭堂繡戶雕軒文杏梁屈曲

屏風繞象床菱蕤翠帳綴香囊玉臺龍鏡洞徹光金爐沉

煙酷烈芳遙聞行珮音鏘鏘含嬌含笑出洞房二八三五

閨心切褰簾卷幔迎春節清歌始發詞怨咽鳴琴一弄心

斷絕借問哀怨何所為盛年情多心自悲須臾破顏倏歛

態一悲一喜併相宜何能見此不注心惜無媒氏為傳音

可憐盈盈直千金誰家君子為藁砧

日出東南隅行

沈約

朝日出邙鄆照我叢臺端中有傾城豔顧影織羅紈延軀

似織約遺視若迴瀾瑤莊映層綺金服炫雕欒幸有周一作

同匡好西仕服秦官寶劔隨玉具汗馬飾金鞍縈場類轉

雪逸控寫一作騰鸞羅襟衣夕解帶玉釵暮垂冠

同前

蕭子榮樂府類聚並作子顯

大明上迢迢陽城射陵霄光照牕中婦絕世同阿嬌明鏡

盤龍刻簪羽鳳凰雕逶迤梁家髻冉弱楚宮腰輕紈雜重

錦薄縠間飛綃三六前年暮四五今年朝蠶園拾芳蠶一作

芳翠蠶籠拾桑陌採桑一作柔條出入東城裏上下洛西橋路逢

車馬客飛蓋動檐輶單衣鼠毛織寶劔羊頭銷大夫疲應

對御一作從者輟連鑣一作御鑣住間徒脉脉垣上幾翹翹女本

西家宿君自上宮要漢馬三千一作萬疋夫婿仕嫖姚鞶囊

虎頭綬左珥鳧盧貂橫吹龍鍾管奏鼓象牙簫十五張內

侍十八賈登朝皆笑顏郎老盡訝董公超

同前

盧思道

初月正如鈎懸光入鏡一作綺樓樓中可憐妾如恨亦如羞

深情出豔語密意蒲橫眸楚腰寧且細孫眉本未愁青玉

勿當取雙銀詎肯一作可留會待東方騎遙居最上頭

同前

李白集無此詩樂府作殷謀

秦樓出佳麗正值朝日光陌頭能駐馬花處復添香

日出行

蕭摛

昏昏隱遠霧團團乘陣雲正值秦樓女含嬌酬使君

同前

李白

停集作浦月棹舉濕春衣王孫若定一作客若遠誰得一作
詎送將歸

雨雪曲

王筠樂府作

邊城風雪至客一作遊子自心悲風哀笳弄斷雪暗馬行遲
輕生本為國重氣不關私恐君猶不信撫劍一揚眉

同前

張正見

胡關辛苦地雪露遠漫漫含冰踏馬足雜雨凍旗竿沙漠
飛恒暗天山積轉寒無因辭日逐團扇掩齊紈

同前

江惣

雨雪阻榆溪從君度隴西遠陣看狐跡依山見馬蹄天寒
旗彩壞地暗鼓聲低漫漫愁雲起蒼蒼別路迷

同前

陳暄

都尉出初連雨雪滿鷄田雕陵持抵鵲屬國用和氈水合
軍應度樓寒烽未燔一作燃花迷槎未着踈勒役經年

同前

謝燮

朔邊昔離別寒風復悽切峩峩六尺水飄飄千里雪深閉
一作未塞袁安戶行封蘇武節用一作應隨隴水流幾迴一作疑

嗚咽

同前

盧照隣

虜騎三秋入關雲萬里平雪似胡沙暗冰如漢月明高闕
銀為闕長城玉作城節旄零落盡天子不知名

文苑英華卷第一百九十三

文苑英華卷第一百九十四

詩四十四

樂府三

公子行九首

少年行四十二首

輕薄篇五首

公子行

劉希夷

天津橋下陽春水天津橋上繁華子馬聲迴合青雲外人

影搖空綠楊裏一作搖揚碧波蕩漾玉爲沙一作綠波清

青雲離披錦作霞可憐楊柳傷心樹可憐桃李斷腸花此

日遨遊看美女此時歌舞入倡家倡家美女鬱金香飛去

飛來公子傍灼灼一作珠簾白日映娥娥玉貌一作紅粉

粧花際徘徊雙蛺蝶池邊顧步兩鴛鴦傾國傾城漢武帝

為雲為雨楚襄王古來容光人所羨况復今日遙相見願
作輕羅着細腰願為明鏡分嬌面與君相向轉相親與君
相栖共壹身願言一作願作真松千歲古誰論芳槿一朝新百
年同謝西山日千秋萬古北邙塵一有此二句

同前

常建

日日乘釣舟嫋嫋持釣竿涉淇傍荷花驄馬閑金鞍使客
白雲中腰間懸轆轤出門事嫖姚為君西擊胡胡兵漢騎
相馳逐野戰孤軍西海曲百尺旌竿沉黑雲邊笳落日不
堪聞

同前

司空曙

纏臂繡綸巾貂裘窄稱身射禽風助箭驟馬雪飛塵金埒
爭開道香車為駐輪翩翩不知處應是霍家親

同前

于鵠

少年初拜大長一作大常秋半醉垂鞭見列侯馬上抱鷄三市
鬪袖中携劍五陵遊玉簫金管迎歸院錦繡一作袖紅粧擁
上樓更向苑東新買宅月陂一作碧波春水入門流

同前

李商隱

一盞新羅酒凌霜一作晨恐易銷歸應衝鼓半去不待笙調
歌好難愁和香多不一作濃豈惜飄春塲鋪艾帳下馬雉媒嬌

同前

雍陶

公子風流嫌一作輕錦繡新裁白紵作春衣金鞭留當誰家
酒拂柳穿花信馬歸

同前

韓琮

紫袖長衫色銀蟬一作蟾半臂花帶裝集作長盤水玉鞍繡坐

雲霞別殿承恩澤飛龍賜渥洼控羅青裊轡鏤象碧重葩

意氣催歌舞闌珊走鈿車袖障一作彰雲縹緲釵轉鳳欹斜

珠卷迎歸箔紅籠是醉紗唯無難夜日不得似仙家

同前二首

聶夷中

漢代多豪族恩深益驕逸走馬踏殺人街吏不敢詰紅樓

宴青春數里望雲蔚金釭焰一作艷勝晝不畏落暉疾美人

盡如月南威莫能一作不敢疋芙蓉自天來不向水中出飛瓊

奏一作綺雲和碧簫吹鳳質嗟恨魯陽死無人駐白日

二

花樹出墻頭花裏誰家樓一行書不讀身封萬戶侯美人

樓上歌不見古涼州

少年行

吳筠

董生能巧笑子都信羨目百事一作萬市一言千金買相逐

不看參差菜誰能一作論窈窕淑願言奉一作捧繡被來就越

人宿

同前

沈炯

長安妙少年驟馬鐵連錢陳王襲馬腦晉后鑄金鞭步搖

如飛驚寶劍一作劍似舒蓮去來新市北遨遊大道邊倏忽

作老翁顏鬢似衰蓬自言生漢代少小見豪雄五侯俱拜

日一作拜爵七貴各論功建章連北闕一作通複道應一作

度南宮太后居長樂天子出廻中玉輦迎飛鷲金山賞鄧
通一朝復一日忽見市朝空扶桑無復海崑山倒向東少
年何暇問頽齡遇一作福終子孫冥滅盡鄉里一作不復
同淚盡眼方暗脾傷耳自聾杖策尋遺老歌笑一作詠悲
翁追隨各有遇非敢訪童蒙

同前

李百藥

少年飛翠盖上路勒金鑣始酌文君酒新吹弄玉簫少年
不一作歡樂何以一作無此盡芳朝千金笑裏面一搦撐一作
抱中腰掛纓誰一作憚宿落珥一作不勝嬌寄語一作無此
少年子無辭歸路遙

同前

張昌榮

少年不識事落魄遊韓魏珠軒流水車玉勒浮雲騎縱橫
意不一然諾心無二白璧贈穰睢黃金奉毛遂妙舞飄龍
管清歌吟鳳吹三春小苑遊千日中山醉直言身可沉誰
論名與利依倚孟嘗君自知能市義

同前

鄭愔

穎川豪橫客咸陽輕薄兒田竇方貴幸趙李新相知軒蓋
終朝集笙箏此夜吹黃金盈篋筇白日忽西馳

同前四首

王維

新豐美酒斗十千咸陽遊俠多少年相逢意氣為君飲繫
馬高樓垂柳邊

二

出身仕漢羽林郎初隨驃騎戰漁陽孰知不向邊廷苦一作死縱死猶聞俠骨香

三

一身能擘

一作臂

兩彫

與調同

孤虜騎千重

一作群

祗似無偏坐

金鞍調白羽紛紛射殺五單于

四

漢家君臣歡宴終高議雲臺論戰功天子臨軒賜侯印將軍珮出明光宮

同前三首

杜甫

馬上誰家白面郎臨軒

一作街

下馬坐人床不通姓字龕豪

甚指點銀瓶索酒嘗

二

莫笑田家老瓦盆自從盛酒長兒孫傾銀注玉集作瓦驚人眼共醉終同卧竹根

杜集作臨街下馬此云臨軒下馬杜集作傾銀注瓦

此云傾銀注玉皆當以此書為正蓋謬為俗子改易

此所以重古本也

三

巢鷺養兒渾去盡江花結子也無多黃衫年少來宜數不見堂前東逝波

同前三首

李白

君不見淮南少年遊俠客白日毬獵夜擁擲呼盧百萬終

不惜報讐千里如咫尺少年遊俠好經過
渾身裝束皆綺羅蘭蕙相隨喧妓女風光去處蒲
筍歌驕矜自言不可有俠士堂中養來久
好鞍好馬乞與人十千五千旋沽酒赤心用盡
爲知己黃金不惜栽桃李桃李栽來幾度春
一迴花落一迴新府縣盡爲門下客王侯皆是平
交人男兒百年且樂命何須徇一作讀書受貧病男兒
百年且榮身何須徇節其風塵衣冠半是戰征士
一作征戰窮儒浪作林泉民遮莫枝根長百丈不如
當代多還往遮莫親姻連帝城不如當身自簪纓
看取富貴眼前者何用悠悠身後名

二

青雲少年子挾彈出早臺左鞍馬四邊開突如流星過金丸

落飛鳥

一作肉

夜入深

一作深

瓊樓卧

夷齊

是何人

獨守

西山

三

五陵年少金市東銀鞍白馬度春風落花踏盡遊何處笑入胡姬酒肆中

同前

一作渭城少年行

崔顥

洛陽二月梨花飛秦地行人春憶歸揚鞭走馬城南陌朝逢驛使秦川客驛使前日發章臺傳道長安春早來棠梨宮中驚初至葡桃館裏花正開念此使人歸更早三月便達長安道長安道上春可憐搖風蕩日曲江邊萬戶樓臺臨渭水五陵花柳滿秦川秦川寒食盛繁華遊子春來不見一作喜家關鷄下社春初合走馬章臺日半斜章臺帝城

稱貴里青樓日晚歌鍾起貴里豪家白馬嬌一作驕五陵年

少不相饒雙雙挾彈來金市兩兩鳴鞭上渭橋渭城橋頭

酒新熟金鞍白馬誰家宿可憐錦瑟箏琵琶玉壺清酒就

君家小婦春來不解羞嬌歌一曲楊柳花

同前此詩見二百五卷

崔國輔

同前二首

王昌齡

西陵俠少年送客過長亭青槐夾兩路白馬如流星聞道

羽書急單于寇井陘氣輕浮道一作難誰願一作輕赴難

顧燕山銘

二

走馬還相尋西樓下夕陰結交期一劍留意贈千金高閣

歌聲遠重門一作關擲色深夜闌須盡醉莫負百年心

同前一作少年行

高適

邯鄲城南一作西遊俠子自言一作矜生長邯鄲裏千場縱博

家仍富幾度一作處報讐身不死宅中歌舞日紛紛門外車

馬常集作轟又作長如雲三字一作如雲屯未知肝膽向誰是令人却憶

平原君不見即今集作今人交態薄黃金用盡還踈索以茲感

嘆一作激辭舊遊更於時事無所求且與少年飲美酒往來

射獵西山頭

同前

吳象之

承恩借獵小平津使氣常遊中貴人一擲千金渾是膽家

無四壁不知貧

同前四首

李嶷

十八羽林郎戎衣侍漢一作漢事王臂鷹金殿側挾彈玉舉一作與旁馳道春風起陪遊出建章

二

侍獵長楊下承恩更射飛塵生馬影滅箭落鴈行稀薄暮
隨天一作歸隨仗聯翩入鏢關

三

玉劍膝邊橫金盃馬上傾朝遊茂陵道夜一作暮宿鳳凰城
豪吏多猜忌無勞問姓名

同前

韓翃

千點爛爛噴玉驄青絲結尾繡纏驥集作驥鳴鞭曉出章臺

路禁葉春衣楊柳風

同前

一作長安少年行

釋皎然

翠樓春酒蝦蟆陵長安少年皆共矜紛紛半醉綠槐道蹀
躞花驄驕不勝

同前二首

李益

君不見上宮警夜營八屯戢戢街鼓朝朱軒玉堦霜仗擁
未合少年排入銅龍門暗聞絃管九天上宮漏沉沉清吹
繁平一作纜明走馬絕馳道呼鷹挾彈通繚垣玉籠金鎖養

黃口探雛取邠伴王孫分曹六博快一擲迎歡先意笑聲
喧巧為柔媚學優孟儒衣嬉戲冠沐猿晚來香街經柳市
行過倡舍宿桃根相逢酒後一作盃酒一言失迴朱點白聞至

尊金張許史何顏色王侯將相莫敢論豈知人事無定勢
朝歡暮戚如掌翻椒房寵移子愛奪一夕秋風生戾園徒
用黃金將買賦寧知白玉暗成痕持盃收水水已覆徙薪
避火火更燔欲求四老張丞相南山如天不可上

二

生長邊城傍出身事弓馬少年有膽氣獨獵陰山下偶與
匈奴逢曾擒射鵰者名懸壯士籍請君少相假

同前

張籍

少年從獵去

集作獵出又作出獵

長楊禁中新拜羽林郎獨對輦前

射雙虎君王手賜黃金瑞白日鬪鷄傍新市

一作日日鬪鷄都市裏

贏得寶刀重刻字百里報讐夜出城平明還抵

一作借樓

醉遙聞虜到平陵下不待勅

一作

書行上馬斬得戎

一作名

王獻桂宮封侯起宅

一作第

一日中不為北

一作六

郡良家子

百戰乃得

一作始取邊城功

同前五首

一作少年行長安

李廓

金紫少年郎繞街鞍馬光身從左中尉官屬右春坊刻戴
揚州帽重薰異國香垂鞭踏青草來去杏園芳

二

追逐輕薄伴閑遊不着緋長櫛出獵馬數換打球衣曉日
尋花去春風帶酒歸青樓無晝夜歌舞歇時稀

三

新年高殿上始見有光輝玉鴈排方帶金鴉立仗衣酒深

尊金張許史伺顏色王侯將相莫敢論豈知人事無定勢
朝歡暮戚如掌翻椒房寵移子愛奪一夕秋風生矣園徒
用黃金將買賦寧知白玉暗成痕持盃收水水已覆徒薪
避火火更燔欲求四老張丞相南山如天不可上

二

生長邊城傍出身事弓馬少年有膽氣獨獵陰山下偶與
匈奴逢曾擒射鵰者名懸壯士籍請君少相假

同前

張籍

少年從獵去

集作獵出又作出獵

長楊禁中新拜羽林郎獨對輦前

射雙虎君王手賜黃金璫白日關關鷄傍新市

一作日日關鷄都市裏

贏得寶刀重刻字百里報讐夜出城平明還抵

一作借樓

醉遙聞虜到平陵下不待勅

一作詔

書行上馬斬得戎名

一作

王獻桂宮封侯起宅

一作第

一日中不為北

一作六

郡良家子

百戰乃得

一作始取邊城功

同前五首

一作少年行長安

李廓

金紫少年郎繞街鞍馬光身從左中尉官屬右春坊刻戴
揚州帽重薰異國香垂鞭踏青草來去杏園芳

二

追逐輕薄伴閑遊不着緋長權出獵馬數換打毬衣曉日
尋花去春風帶酒歸青樓無晝夜歌舞歇時稀

三

新年高殿上始見有光輝玉鴈排方帶金鴉立伏衣酒深

和杓賜馬疾打珂飛朝下人爭看香街意氣歸

四

戟門連日閉苦飲惜殘春開鎖通新客教姬屈醉人請歌
牽白馬自舞蹈紅茵時輩皆相許平生不負身

五

遨遊携豔妓裝束是男兒杯酒逢花住笙歌簇馬吹鶯聲
催曲急春色訝歸遲不似聞街鼓華筵待月移

同前

杜牧

官爲駿馬監職帥羽林兒兩綬藏不見落花何處期獵鼓
白玉鐙怒袖紫金鎚田竇長留醉蘇辛曲讓一作護岐豪持
出塞節笑別遠山眉捷報雲臺賀公卿拜壽卮

同前

雍陶

不倚軍功有俠名可憐毬獵少年情戴鈴徒鶻隨聲下撼
珮驕驄弄影行覓匠重裝燕客劍對人新按越姬箏豈知
儒者心偏苦吟向秋風白髮生

同前二首

僧貫休

錦衣鮮華作潔手擎鶻閑行氣貌多輕忽稼穡艱難總不
知三皇五帝是何物

二

自拳五色毬送入他人宅却促蒼頭奴玉鞭打一百

同前二首

王貞白

遊燕不知厭杜陵狂少年花時輕暖酒春服薄裝綿戲馬

上林苑鬪鷄寒食天魯儒其被笑對策鬢皤然

二

弱冠投邊急驅兵夜渡河追奔鐵馬走殺虜寶刀靴威靜
黑山路氣含一作吞清海波常聞為突騎天子賜長戈

輕薄篇

何遜

城東美少年重身輕萬億拓疆隨珠丸白馬黃金飾長安
九達上青槐陰一作蔭道植轂擊晨已喧肩排冥不息走徇
通四一作息望牽牛亘一作向南直相期百戲傍去來三市側
象床香繡被玉盤傳綺食倡女掩扇歌小婦開簾織相看
獨隱笑見人還歛色黃鶴悲故羣山妓詠新識鳥飛過客
盡雀聚行龍匿酌酒方厭厭此一作時歡無極

同前

張正見

洛陽美少年朝日正開霞細踏聯鑣一作連鑣馬傍趨首荀花
揚鞭却還望春色蒲東家井桃映水落門柳雜風斜綿蠻
弄青綺蛺蝶遶承華欲往飛簾館遥駐季倫車石槿傳馬
腦蘭肴莫象牙聊持自一作自持娛樂未是鬪豪奢莫嫌龍馭
曉一作曉扶桑復浴鴉

同前

李益

豪不必馳千騎雄不在垂雙鞭一作鞭天生雋氣自相逐出
與鷗鷺同飛翻朝行九衢不得意下鞭走馬城西原忽聞
燕鴈一聲去廻鞍挾彈平陵困歸來青樓曲未半美人玉
色當金樽淮陰少年不相下酒酣半笑倚市門安知我有

不平色白日欲顧集紅塵昏死生容易如反掌得意失
意由一言少年但飲莫相問此中報讐兼一作報恩

同前二首

釋貫休

繡林錦野春態相厭誰家少年馬蹄蹋聞鷄走狗夜不
歸一擲賭却如花妾唯言不顛不狂其名不彰悲夫

二

木落蕭蕭蛩鳴唧唧不覺朱鷲臉紅霜劫髮添世途多事
泣向秋日方今吟少壯不努力老大徒傷悲如何

文苑英華卷第一百九十四

文苑英華卷第一百九十五

詩四十四

樂府四

結客少年場八首

行行且遊獵二首

門有車馬客四首

對酒二十一首

前有一樽酒三首

將進酒三首

勸酒六首

飲酒樂一首

結客少年場行

劉孝威

少年本六郡遨遊遍五都插腰銅七首障日錦屠蘇驚作

羽裝銀鏑犀膠飾象弧近發連雙兔高竦落九鳥邊城

多警急節使一作蒲郊衢居延箭箠盡踈勒井泉枯正蒙

都護接何由憚險途千金募惡少一麾擒骨都勇餘聊踞

蹴戰罷暫一作投壺昔為北方一作將今成一作南面狐

邦君行負弩縣令且前驅

同前

梁吳均

結客少年歸翩翩駿馬肥報恩殺胡一作竟賢君賜錦衣

握蘭登建禮拖玉入含暉顧看草玄者功名終自微

同前

庾信

結客少年場春風路滿香歌撩一作李都尉果擲潘河陽

隔一作花遙勸酒就水更一作移床今年喜夫婿新拜羽

林郎定知劉碧玉偷嫁汝南王

同前

孔紹安

結客佩吳鉤橫行度隴頭鴈在弓前落雲從陣後浮吳師

驚燧象燕一作將警奔牛轉蓬飛不息冰河結未流若使

三邊定當封萬里侯

同前

虞世南

韓魏多奇節個儻遺名利共矜然諾情一作各負縱橫意

一作結交友一作一言重相期千里至綠沉明月弦金絡浮

雲響吹簫入吳市擊筑遊燕肆尋源博望侯結客遠相求

少年懷一顧長驅背隴頭談談霜戈動耿耿虹劍一作浮

風一作起龍沙暗木落鴈門秋天山冬夏雪交河南北流

輕生殉一作知己非是為身謀

同前

盧照隣

長安重遊俠雒陽富才一作雄玉劍浮雲騎金鞭一作明

月弓鬪鷄過渭北走馬向關東孫賓乃趙妓事遙見侍一作

待郭解暗相通不受千金爵誰論萬里功將軍下天上虜

騎入雲中烽火夜似月兵氣曉成虹橫行狗知已負羽遠

從一作戎龍旌昏朔霧鳥障卷胡風追奔瀚海咽戰罷陰

山空歸來謝天子何如馬上翁

同前

盧一作羽客

幽并俠少年金絡控連錢竊符方救趙擊筑正懷燕輕生

辭鳳闕揮袂上祁連陸離橫寶劍出沒鷲一作祖旃蒙輪

恒顧敵超乘一作忽一作爭先摧枯逾百戰拓地遠三千骨都

魂已散樓蘭首復傳龍城含苦一作宿霧瀚海接一作遙

天歌吹金微返振旅玉門旋烽火今已息非復照甘泉

同前

李白

紫驪黃金瞳稜稜搖綠鬣一作平明相馳逐結客洛門東

少年學劍術陵轡白猿公珠袍曳錦帶匕首插吳鴻由來

萬夫勇挾此生一作雄風託交從劇孟買醉入新豐笑盡

一盃酒殺人都市中羞道易水寒徒一作今日貫虹燕丹

事不立虛沒秦帝宮舞陽死灰人安可與成功

行行且遊獵篇一作遊行

劉孝威

之杲講射所上林娛獵場選徒矯楚客詔狩誇胡王罕車

已戒道風鳥復啓行伙飛具矰繳材官命蹶張高且掩月

兔勁矢射天狼蹠地不遑免一作排虛豈及翔日暮鈎陳

轉風清鏡吹颺歸來宴平樂寧肯滯禽荒

同前

孟雲卿

少年多武力勇氣冠幽州何以縱心賞馬蹄春草頭遲遲
平原上狐兔奔林丘猛火忽前遊俊鷹連下講俯身逐南
北輕捷固難儔所發無不中失之如我讐豈唯務馳騁倚
爾暮田疇殘殺無不痛古來良有由

門有車馬客

何遜

門有車馬客言是故鄉來故鄉有書信縱橫印檢開開書
看未極行客屢相識借問故鄉來潺湲淚不息上言離別
久下言望應歸寸心將夜鵲相逐向南飛

同前

張正見

飛觀霞光起重門戒早一作開北闕高轡至東方遠

一作連騎來紅塵揚翠輶赭汗染龍媒梢鞭聊靜電接眼漸

一作軫暫停雷桃花扶岸一作夾院聚流水傍池迴非關萬里

客自是一作有六竒才琴和朝翟一作雉操酒泛夜光杯舞袖

飄金谷歌聲繞鳳臺良時不再遇一作騶御爵相催安知

太行道失路車輪摧

同前

虞世南

財雄一作陳遵重交結戚里一作田蚡擅豪華曲臺臨上路高軒一作

門抵狹斜赭汗千金里一作馬繡軸五香車白鶴隨飛

蓋朱鷺入鳴笳夏蓮開劔水春桃發綬花高談辨飛兔摛

藻掘靈虵一作輕裙染回逢恩出毛羽一作借失路委泥

沙曖曖風煙晚路長歸騎遠日斜青瑣第塵飛金谷苑危

紘促柱奏巴渝遺簪墮珥解羅襦如何守直道翻使谷名愚

同前

李白

門有車馬賓一作客金鞍耀珠輪謂從雲一作丹霄落乃是故

鄉親呼兒掃中堂坐客論悲辛對酒兩不飲停觴淚盈巾

歎我萬里遊飄飄三十春空談霸王畧紫綬不掛身雄劍

藏玉匣陰符生素塵廓落無所合流離湘水濱借問宗黨

間多為泉下人生苦百戰役死托萬鬼隣北風揚湖沙霾

一作埋翳周與秦天運且如此蒼穹能匪仁惻愴憶一作竟何

道存亡任天均一作大鈎

對酒

范雲

對酒心自足故人來共持方悅羅衿解誰念髮成絲徇性

良為達求名本自欺逮君當歌日及我傾樽時

同前

張正見

當歌對玉酒匡坐酌金壘竹葉三清泛葡萄百味開風移

蘭氣入月逐桂香來獨有劉將阮忘情寄羽盃

同前

岑敬之

色映臨池竹香浮湍砌蘭舒文泛玉盃漾蟻溢金盤簫曲

隨鸞易笳聲出塞難唯有將軍酒川上可除寒

同前

張率

對酒誠可樂此酒復芳醇如華良可賞一作貴似乳更堪一作

其珍何當留上客為寄掌一作壽屬中人金樽清復滿玉盤一作

盤
亟來親誰能共遲暮對酒及惜一作芳辰君歌尚未罷却
坐避梁塵

對酒歌

范榮

樂府作
庾信

春水望桃花春洲籍芳杜琴隨一作綠珠借酒就文君取

牽牛一作馬向渭橋日曝山頭晡山簡接離倒王戎如意舞

箏鳴金谷園笛韻平陽塢人生一百年歡笑唯三五何處

覓錢刀求為洛陽賈音古

對酒春園作

庾信

數盃還已醉春風一作不復知唯有龍吟笛桓伊能獨吹

對酒春園作

王勃

投簪下山閣携酒對河梁
狹水牽長鏡高花送斷香
繁鶯

歌似曲踈蝶舞成行自然催一醉非但閱年光

對酒巴陵作

張說

留侯封萬戶園令壽千金本為成王業初由賦上林繁華

一作安足恃霜露迺相尋鳥哭楚山外猿啼湘水陰
夢中

城闕近天畔海雲深空對忘憂酌一作離憂不去心

對酒

崔國輔

行行日將夕荒村古塚無人跡
象籠荆棘一鳥飛屢唱提

壺沽酒喫古人不達酒不足遺恨精靈成一作此曲寄言

世上一作諸少年平生須盡杯中綠

對酒一作月

李白

花前一作一壺酒獨酌無相親
舉杯邀明月對影成三人

月既不解飲影徒隨我身暫伴月將影行樂須及春我歌
月徘徊我舞影凌亂醒時同交歡醉後各分散未結無情
遊相期邈雲漢一作碧

此詩一百五十二卷重出今已削去注異同爲一作

二一作月
夜獨酌

天若不愛酒酒星不在天地若不愛酒地應無酒一作泉

天地既愛酒愛酒不愧天已聞清比聖復道濁如賢聖賢

既已飲何必求神仙三盃通大道一斗合自然但得醉中

趣勿爲醒者傳

三 此詩見二百七十卷

對酒示申屠學士

戴叔倫

三重江水萬重山山裏青春度日閑且向白雲求一醉莫
教愁夢到鄉關

湘中對酒行

張謂

夜坐不厭湖上月晝遊不厭湖上山眼前一罇又長滿心
中萬事如等閑主人有黍數百石濁醪數斗應不惜即今
相逢不盡歡別後相思復何益茱萸灣頭歸路除願公且
宿黃公家風光若此人不醉參差孤負東園花

對酒曲

賈至

春來酒味濃舉酒對春叢一酌千憂散三盃萬事空放歌
乘美景醉舞向春風寄語罇前客生涯任轉蓬

二

梅發柳依依黃鸝歷亂飛當歌憐景色對酒惜芳菲曲水
浮花氣流風散舞衣通宵留暮雨上客莫言歸

對酒

王建

爲病比來渾斷絕因

緣一作

花不免却知聞從來樂

事一作

事

關身少坐領春風只在君

秋日對酒

武元衡

行年過始衰秋至獨先悲事往悻神魄感深滋涕洟百憂
紛在慮一醉兀無思寶琴拂塵匣清韻音作凝朱絲幽圃蕙
蘭氣煙窻松桂姿我乏濟時略仗節撫坤維山川大兵後
牢落空城池驚沙猶振野綠草生荒陂物變風雨順人懷
天地慈春耕俟一作事秋戰戎馬去封陲波瀾暗超忽微雨

亦磷緇客有自嵩穎重徵棲隱期丹訣學仙晚白雲歸谷
遲君恩不可報霜露繞南枝

對酒

白居易

莫上青雲去青雲足愛憎自賢誇智慧相軋闕功能魚爛
緣吞餌蛾焦爲撲燈不如飲美酒任性醉騰騰

同前

曹鄴

愛酒知是癖難與性相捨未必獨醒人便是不飲者晚歲
無此物何由住田野

錢塘對酒曲

陳陶

風天鴈悲西陵愁使君紅旗弄濤頭東海神魚騎未得江
天大笑閑悠悠嗟峨吳山莫誇碧河陽經年一宵白南州

彩鳳爲君生古獄愁蛇待恩澤三清羽童來何遲十二玉
樓蝴蝶飛炎荒翡翠九門去遼東白鶴舞歸期一作家歸鴟夷
公子休悲悄六鰲如鏡天始老罇前事去月團圓琥珀無
情憶蘇小

前有一罇酒雜言

張正見

前有一罇酒主人欲行壽今日合來坐者當令皆富且壽
欲令主人三萬歲終歲不知老爲吏當高遷賈市得萬倍
桑蠶當大得主人宜子孫

前有罇酒行

李白

東一作春風東一作忽非來忽相過金罇渌酒生微波落花紛紛稍
覺多美人欲醉朱顏醜青軒桃李有一作能幾何流光欺人

忽蹉跎君起舞日西一作將夕當年意氣不肯惜一作傾白

如絲竟一作白首何益

二

琴奏龍門之綠桐玉壺美酒清若空催絃拂柱與君飲眼
白看杯頰色紅一作朱成胡姬貌如花當爐笑春風笑
春風舞羅衣君今不醉欲安歸

將進酒

梁昭明太子

洛陽輕薄子長安遊俠兒宜城溢璪椀中山浮羽卮

同前一作惜空酒

李白

君不見黃河之水天上來奔流到海不復迴君不見高堂
明鏡悲白髮朝如青雲一作絲暮成雪人生得意須盡歡莫

使金罇空對月天生我材必有用一作我身 千金散盡還

復來烹羊宰牛且為樂會須一飲三百盃岑夫子丹丘生

將進酒杯一作君莫停與君歌一曲請君為我傾耳聽鍾鼎

玉帛豈足貴一作鍾鼓饌但願長醉不復用一作醒古來賢

聖皆死盡一作聖賢惟有飲者留其名陳王昔日一作宴

平樂斗酒十千恣歡譁主人何用一作言少錢徑須沽酒

一作對君酌五花馬千金裘呼兒將出換美酒與爾同銷

萬古愁

此詩三百三十六卷重出今已削去

同前

陳陶

金樽莫倚青春健齷齪浮生如走電琴瑟盤傾從世珠黃

泥局瀉流年箭麻姑瓜禿瞳子昏東皇肉角生魚鱗靈龜

柱骨半枯朽驪龍德悔二字愁耕人周孔著龜久淪沒黃

嵩疑誰認賢愚骨兔苑詞才去不還蘭亭水石空明月姮

一作娥弄簫香雨收江濱送瑟魚龍愁靈芝九折楚蓮醉

翻風一歎染庭秋一作醉亞蠻觥奉君壽玉山三獻春紅

透銀鳴金鵝言待誰隋家嶽瀆皇家有珊瑚座上凌香雲

鳳臙龍炙猩猩脣芝蘭此口不傾倒南山白石皆賢人文

康調笑麒麟起一曲飛龍壽天地

山人勸酒

李白

蒼蒼雲松落落綺皓春風爾來為阿誰蝴蝶忽然滿芳草

秀眉霜雪頰桃李一作桃骨清髓綠一作青長美好稱是

秦時避世人勸酒相歡不知老各守麋鹿志耻隨龍虎爭
歛起安太子漢皇乃復驚顧謂戚夫人彼翁羽翼成歸來
商山下况若雲無情舉觴酌巢山洗耳何太獨一作清浩歌
望嵩嶽意氣遙相傾

相勸酒

李賀

羲和聘六轡晝夜夕一作不魯閑彈鳥崦嵫石扶馬蟠桃鞭
蓐收既斷翠柳青帝更一作造紅蘭堯舜至今萬萬歲數
子將為傾蓋問青錢白璧買無端丈夫快志一作方為歡
臞螭臞熊何足言會須鍾飲北海箕踞南山歌淫淫管惜
情橫波好送一作離題金人生得意且如此何用強知元
化心相勸酒終無醉伏願陛下鴻名絲一作不歎子孫綿

如石上葛東

一作

洛此無

長安車轆轤中有梁冀舊宅石

崇故園

勸酒

李敬方

不向花前醉花應解笑人只憂連夜雨又過一年春日日
無窮事區區有限身若非盃酒裏何以寄天真

同前

聶夷中

白日無定影清江無定波人無百年壽百年復如何堂上
陳美酒堂下列笙歌與君入醉鄉醉鄉樂天和歲歲松柏
茂日日丘陵多君看終南山萬古青峩峩

二

灞上送行客聽唱行客歌適來橋下水已作渭川波人間

榮樂少四海別離多但恐別離淚自成苦水河勸爾一杯酒所贈無餘多

飲酒樂

前人

日月似有事一夜行一周草木猶須老人生得無愁一愁解百結再飲破百憂白髮欺貧賤不入醉人頭我願西江水盡向杯中流安得阮步兵同入醉鄉遊

西江集作東海

文苑英華卷第一百九十五

才苑英華卷第一百九十六

樂府五

俠客行六首

西遊咸陽中一首

俠客控絕影一首

劉生九首

燕客行八首

鴈門太守歌四首

將軍行一首

戰城南十首

胡無人四首

俠客行

王筠

俠客趨名利劍氣坐相矜黃金塗鞘尾白玉飾鈎膺晨馳逸廣陌日暮還平陵舉鞭向趙李與君方代興

同前

王褒

京洛出名謳豪俠競交遊河南期一作朝四姓關西謁五侯
鬪鷄橫大道走馬出長秋桑陰徒一作徒將夕槐路轉淹留

同前

庾信

俠客重連鑣金鞍被桂條細塵障路起驚花亂眼飄酒醺
人半醉汗濕馬全驕歸鞍畏日晚爭路上河橋

同前

陳良

洛陽春色麗遊俠騁輕肥水逐車輪轉塵隨馬足飛雲影
遙臨蓋花氣近薰衣東郊聞鷄罷南坡射雉歸日暮河橋
上揚鞭惜晚暉

同前

李白

趙客綬胡纓吳鉤霜月明銀鞍以照白馬颯沓如流星十步
殺一人千里不留行事了拂衣去深藏身與名閑過信陵
飲脫劍膝邊橫將炙啖朱亥持觴勸侯嬴三盃吐然諾五
岳倒為輕眼花耳熱後意氣素霓生救趙揮金錘却鄆先
震驚千秋二壯士烜赫大梁城縱死俠骨香不慙世上英
誰能書閣下白首太玄經

同前

崔國輔

玉劍膝前橫金杯馬上傾朝遊茂陵道夜宿鳳凰城一作城
豪俠多猜忌無勞問姓名

西游咸陽中

陰鏗

上林春色滿咸陽遊俠多城斗疑連漢橋星像跨河影裏
着飛鞍塵前聽遠珂還家何意晚無處不經過

俠客控絕影

楊縉

青門小苑物華新
花開鳥哢會芳春
仙掌層臺浮麗日
長揪橫路起紅塵
園中追尋桃李逕
陌上逢迎遊俠人
遊俠英名馳上國
人馬意氣兩俱得
白玉轆轤秋水劍
青絲宛轉黃金勒
復有魚目並龍文
躡景追風本絕群
影入吳門疑曳練
形來西北似浮雲
寄語幽并馳射客
未肯推名持借君

劉生

梁元帝

任俠有劉生
然諾重西京
扶風好驚坐
長安恒借名
菊花連夜飲
竹葉解朝醒
結交李都尉
遨遊佳麗城

同前

張正見

劉生絕名價
豪俠恣遊陪
金門四姓聚
簫鼓一作五香
五來塵飛瑪瑙勒
酒映車渠盃
別有追遊集作夜愁
嚮月開

同前

柳莊

四坐驚稱字一作坐驚
稱字孟
豪雄道姓劉
廣陌通朱邱
大路起青樓
要賢驛已置
留客轄仍投
光斜日下霧
庭陰月上鈎

同前

江暉

五陵多美選
六郡盡良家
劉生代豪蕩
標矩舉一作獨榮華
寶劍長三尺
金樽滿百花
唯當重意氣
何處有驕奢

同前

徐陵

劉生殊倜儻
任俠遍京華
戚里驚鳴筑
平陽吹怨笳
倍儒

排石氏新室是誰家高才被擯壓自古共憐嗟

同前

江揔

劉生負意氣長嘯共徘徊高論明秋水命賞陟春臺干戈
個儻用筆硯縱橫才置驛無年限流俠四方來

同前

弘執恭

英名振關右雄氣逸江東遊俠五都內來去三秦中劍照
七星影馬控千金驄縱橫方未息因茲定立一作功武

同前

楊炯

鄉家本六郡年長入三秦白璧酬知己黃金謝主人劍鋒
生赤電馬足起紅塵日暮歌鍾發喧動四隣

同前

盧照隣

劉生氣不平抱劍欲專征報恩為豪俠死難在橫行翠羽
裝劍鞘黃金飾馬鈴但令一顧重不恡百身輕

燕歌行

梁元帝

燕趙佳人本自多遼東少婦學春歌黃龍戍北花如錦玄
菟城中月似娥如何此時別夫婿金羈翠毳往交河還聞
入漢去燕營怨妾心中一作愁心百恨生漫漫悠悠天未曉遙

遙夜夜聽嚴一作寒更自從異縣心同別偏恨同時成異節

橫波滿臉萬行啼翠眉漸一作暫歛千重結並海連天合不

開那宜一作堪春日上春臺唯見遠舟如落葉復看遙舸似

行孟沙汀夜鶴嘯羈雌妾心無怨生別離翻嗟漢使音塵

斷空傷賤妾燕南垂

卷之五

劉

同前

蕭子顯

風光遲暮出青蘋蘭條翠鳥發春鳴洛陽梨花白如雪河

邊細草青如茵桐生井底葉交枝今看無端雙燕離五重

飛一作花樓入河漢九華閣道暗清池遙看白馬津上吏傳

道黃龍征戍兒明月金花徒一作從照妾浮雲玉葉君不知

思君昔去柳依依至今八月避暑歸明珠蠶繭登勉機杼

金春蕩特香衣洛陽城頭鷄欲曙丞相府中鳥未飛夜夢

征人縫狐貉私憐織婦裁錦絡吳刀鄭錦結句寒閨夜被

薄芳年海上水中是日暮寒夜空城雀一作空城寒夜雀

同前

王褒

初春麗景鶯欲一作嬌桃花流水沒河橋薔薇開花百里葉楊

柳覆池數一作楊柳拂地散千條隴西將軍號都護樓蘭校尉稱

嫋姚自惜別如春燕分經年一去無相親一作相聞無復

漢地關山一作長安月唯有漠北薊城雲淮南鏡一作桂中明月

影流黃機上織成文充國軍行屢築營楊史討虜陷平城

下風不多能却陣沙中雪淺詎停兵屬國小婦猶年少羽

林輕騎數征行遙聞陌上採桑曲猶勝邊地胡笳聲向暮

使人泣還使一作長望閨中空竚立桃花落地杏花舒一作挑花復地

舒一作挑花桐生井底寒葉踈試為來看上林鴈應一作必有遙寄

隴頭書

同前

庾信

代北雲氣晝昏昏千里飛蓬無復根寒鴈噫噫一作丁丁又作丁丁

文苑英華卷一百一十五

度遼水桑葉紛紛落薊門晉陽山頭無箭竹踈勒城中乏
水源屬國征戍久離居陽關音信絕能踈願得魯連飛一
箭持寄思歸燕將書度遼本自有將軍塞風蕭蕭生水紋
妾驚甘泉足烽火君訝漁陽少一作多陣雲自從將軍出細
柳蕩子空牀難獨守盤龍明鏡餉秦嘉碎惡生香寄韓壽
春分燕來能幾日二月蠶眠不復久洛陽遊絲百丈連黃
河春冰千片穿桃花顏色好如一作如好馬榆莢新開巧似一作
似錢蒲桃一杯千日醉無事九轉學神仙定取金丹作幾
服能令華表得千年

同前

呂詞

漁陽八月塞草腓征人相對併思歸雲和朔氣連天暗蓬
雜胡沙散野飛此時天地陰埃徧瀚海龍城皆血戰兩軍
鼓角暗相聞四面旌旗看不見昭君遠嫁已年多戎狄無
厭尚不和漢兵候月秋防塞胡騎乘冰夜渡河河塞東西
萬餘里地與京華不相似燕支山上少光輝黃砂磧下無
流水金戈玉劔十年征紅粉青樓多怨情厭得殊方久爲
別秋來愁見搗衣聲

同前

陶翰

請君留楚調聽我吟燕歌家在遼東頭邊風意氣多出身
爲漢將正值戎未和雪中凌天山水上渡交河大小百餘
戰封侯竟蹉跎歸來灞陵下故舊無相過雄劔委塵匣空
門垂雀羅玉簪還趙女寶瑟付齊娥昔日不爲樂時哉今

柰何

同前

高適

開元十六年客有從御史大夫張公出塞而還者作燕歌
行以示適感征戍之事而和焉

漢家煙塵在東北漢將辭家破殘賊男兒本自重橫行天
子非常賜顏色撻金伐鼓下榆關旌旆逶迤碣石間校尉

羽書飛瀚海單于獵火照狼山山川蕭條極邊土胡騎憑
陵雜風雨戰士軍前半死生美人帳下猶歌舞大漠窮秋

塞草衰一作孤城落日聞兵稀身當恩遇恒輕敵力盡關
山未解圍鐵衣遠戍辛勤久玉筋應啼別離後少婦城南

欲斷腸行一作人薊北空迴首日邊風飄颻難可越一作那
絕域蒼茫無所一作有殺氣三時一作作陣雲寒風

一夜傳刁斗相看白刃徒一作紛紛死節從來豈顧勲君
不見沙場征戰苦至今猶憶李將軍

同前

賈至

國之重鎮惟幽都東威九夷北制胡五軍精卒三十萬百
戰百勝擒單于前臨澤沱阻易一作水崇山沃野亘千里

昔時燕王重賢士黃金築臺從隗始倏忽興亡空一作薊
丘漢家又似封五一作侯蕭條魏晉為橫流鮮卑竊據朝

五州我唐區夏餘十紀軍容武備赫萬祀彤弓黃鉞授元
帥墾耕大漠為內地季秋膠折邊草腓理兵羽獵因出師

千營萬隊連旌旗望天一作如火忽電馳匈奴懾竄窮髮

此大荒萬里無塵飛君不見一無此三字隋家昔爲天下宰窮
兵黷武征遼海南風不兢多死聲鼓卧旗折黃雲橫六軍
將士皆死盡戰馬空鞍奔故營時移道革天下平白環入
貢蒼海清自有農夫已高枕無勞校尉重橫行

鴈門太守歌首二

梁簡文帝

輕霜終夜下黃葉晚辭枝寒苦春難覺邊城秋易知風急
征旗斷塗長鎧馬疲少解孫吳法家本幽并兒非關買鴈
肉徒勞皇甫規

二

隴暮風恒急關寒霜自濃櫪馬夜方飼邊衣秋未重潛師
夜接戰略地曉催鋒悲笳動胡塞高旗出漢壖勤勞謝功

業青白報迎逢非頒主人賞寧期定遠封單于如未繫終
夜慕前蹤

同前

褚朔

二月柳花合四月麥秋初幽州寒食罷鄭國採桑踈更聞
鴈門守一作戍結束事戎車去歲無霜雪今年有閏餘月如
弦上弩蝗類水中魚戎車攻日逐燕騎蕩康居大宛歸善
馬小月送降書寄語閨中妾勿怨寒牀虛

同前

李賀

黑雲壓城城欲摧甲光向日金鱗開角聲滿天秋色裏塞
上燕支疑夜紫半卷紅旗臨易水霜重鼓寒聲不起報君
黃金臺上意提携玉環一作拳爲君死

將軍行

劉希夷

將軍關轅門耿介當風立諸將欲言事逡巡不敢入劍氣
射雲天鼓聲破原隰黃塵塞路起走馬追兵急彎弓從此
去飛箭如雨集突圍一作斬首五千級代馬流血
死胡人抱鞍泣古來養甲兵有事常討襲乘我廟堂運坐
使干戈戢獻凱帝來勞一作歸京都軍容何翕習

戰城南四首

吳均

蹶躩青驪馬往戰城南畿五歷魚麗陳三入九重圍名摺
武安將血坐秦王衣為君意氣重無功終不歸

二

吳均

前有濁酒罇憂思亂紛紛少年重意氣學劍不學文忽值

胡關靜匈奴遂兩分天山已半出龍城無片雲漢世平
此何用李將軍

三

陌上何喧喧匈奴圍塞垣黑雲藏趙樹黃塵埋隴根天子
羽書勞將軍在玉門

四此第四首而五卷有之題
作古意今存于後而削此

同前

張正見

薊北馳胡騎城南接短兵雲起一作兩陣合劍聚七星橫

一作旗交無後影角憤有餘聲戰罷披軍策還嗟李少卿

同前

楊炯

塞北途遼遠城南戰苦辛幡旗如鳥翼甲冑似魚鱗凍水

寒傷馬悲風愁殺人寸心明白日千里暗黃塵

同前

盧照隣

將軍出紫塞冒頓在烏貪笳喧鴈門北陣翼龍城南瑯弓
夜宛轉鉄騎曉參潭應須駐白日為戰待方酣

同前

李白

去年戰桑乾原一作源今年戰葱河道洗兵條支海上波放

馬天山雪中草萬里長征戰三軍盡衰老匈奴以殺戮為

耕作古來唯見白骨黃沙田秦家築城備胡虜漢家還一作

猶有烽火燃烽火燃不息長征一作征戰無已時野戰格鬪死

敗一作驚馬嘶一作號鳴向天悲鳥鳶啄人腸街飛上挂枯樹

枝士卒塗草莽將軍空爾為乃知兵者是凶器聖君一作人

不得已而用之

同前

戰地何昏昏戰士如群蟻氣重日輪紅血染蓬蒿紫鳥烏

銜人肉食悶飛不起昨日城上人今日城下鬼旗色如羅

星輦聲殊未已妾家夫與兒俱在輦聲裏

同前

劉駕

城南征戰多城北無饑鷄白骨馬蹄下誰言皆有家城前

水聲苦倏忽流萬古莫爭城外地城裏終一作有閑土

胡無人行

吳筠

劍頭利如芒恒持一作恃照眼光鐵騎追驍虜金羈討黠羗

高秋八九月胡地早風霜男兒不惜死破膽與君嘗

同前

十月繁霜下 征人遠 鑿空雲遙一作推 錦更節海照角端方
暗磧埋沙樹 衝飈卷塞蓬 方隨暝拜入 歌舞玉門中

同前

李白

嚴風吹霜海草凋 筋幹精堅胡馬驕 漢家戰士三十萬 將
軍誰是霍嫖姚 流星白羽腰間插 劍花秋蓮光出匣 天兵
照雪下 玉關虜箭如沙射 金甲雲龍風虎晝一作盡 交迴太
白入月敵可摧 敵可摧 旄頭滅 履胡之腸 涉胡血 懸胡清
天上 埋胡紫塞傍 胡無人 漢道昌 陛下之壽三千霜 但歌
大風雲飛揚 安用猛士兮一無此字 守四方 胡無人 漢道昌一無

此六

同前

十萬羽林兒 臨洮破郅支 殺添胡地骨 降足漢營旗 塞闊
牛羊散 兵休帳幕移 空餘隴頭水 嗚咽向人悲

文苑英華卷第一百九十六

文苑英華卷第一百九十七

詩四十七

樂府六

塞上十七首

塞下十八首

出塞二十八首

塞外一首

入塞二首

塞上曲二首

紅顏歲歲老金微沙磧年年卧鉄衣白草城中春不入黃
花戍上鴈長飛

二

孤城夕對戍樓閑迴合青宜萬仞山明鏡不須生白髮風
沙自解老紅顏

同前二首 一作塞下曲

李白

五月天山雪無花祇有寒
笛中聞折柳春色未曾看
曉戰隨金鼓宵眠抱玉鞍
願將腰下劍直為斬樓蘭

二

烽火動沙漠連照甘泉雲
漢皇按劍起還召李將軍
兵一殺氣天上合威聲
隴底聞橫行負勇氣一戰
靜妖氛

同前二首

王昌齡

秦時明月漢時關
萬里長征人未還
但使龍城飛將在
不教胡馬渡陰山

二

騶馬新跨白玉鞍
戰罷沙場月色寒
城頭鐵鼓聲猶振
匣

裹金刀血未乾

同前

薛奇童

驕虜初南下烟塵暗國中
獨召李將軍夜開甘泉宮
一身許明主萬里揔元戎
霜中卧不煖半夜聞邊風
明天早飛雪荒微多轉蓬
濕雲覆水重秋氣連海空
金鞍誰家子上馬鳴角弓
自是幽并客非論愛立功

同前

高適

東出盧龍塞集作浩然客思孤
亭候列萬里漢兵猶備胡

邊塵漲一作北溟虜騎一作塞馬
正南驅轉鬪豈長策和親非

遠圖惟昔李將軍按節出
皇一作臨此都揔戎掃大漠
一戰擒

單于常懷感激心願效縱
橫謨倚劍欲誰語關山集作空

鬱紆

同前 地遠仍親

耿緯

慣習干戈事鞍馬初從少小在邊城身微久屬千夫長地遠仍親五郡兄懶說疆場曾大獲且悲年鬢老長征塞鴻過盡殘陽裏樓上淒淒暮角聲

同前

司空曙

寒柳接胡桑軍門向大荒幕營隨日魄兵氣長星芒橫吹催春酒重裘隔夜霜冰開不防虜青草滿遼陽

同前

戎昱

慘慘寒日沒北風卷蓬根將軍領疲兵却入古塞門迴首指陰山殺氣成黃雲

二

樓上畫角哀即知兵心苦試問左右人無言淚如雨何意休明時終年事鼙鼓

集本有戎星塞上曲二首題目同而詩異今附于此其一漢將歸來虜塞空旌旗初入玉關東高蹄戰馬三千足落日平原秋草中其一胡風掠地遠連山葉落孤城未下關山頭烽子齊聲叫知是將軍夜獵還

同前

杜荀鶴

旌旗獵獵漢將軍閑出巡邊帝命新沙塞旋收饒帳幕大戎時殺少煙塵水河夜度一作偷來馬雪嶺晴分獵去人獨作書生疑不穩軟弓輕劍也隨身

同前

張蠙

邊事多更變天心亦為憂胡兵來作寇漢將也封侯夜燒
衝星赤塞塵翳日愁無門展微略空上望西樓

同前

王貞白

歲歲但防虜西征早晚休匈奴不繫頸漢將但封侯夕照
低烽火寒笳咽戍樓燕然山上字男兒見見須羞

同前

裴說

極目望空闊馬羸程又賒月生方見樹風定始無沙楚水
辭魚窟燕山到鴈家如斯名利役爭不老天涯

同前

常建

翩翩雲中使來問太平卒百戰以苦不歸刀頭怨明月塞雲

隨陣落寒日旁城沒城下有室歎妻哀聲哭枯骨

塞下曲

李白

塞虜乘秋下天兵出漢家將軍分虎竹戰士泣一作龍沙

邊月隨弓影胡霜拂劍花玉關殊未入少婦莫長嗟

同前三首

王昌齡

邊城一作頭何慘慘已墜霍將軍士卒皆來弔燕南代北聞

功門一作勳多被黜兵馬亦尋分更遣黃龍戍唯當哭塞雲

二

蟬鳴空桑麻八月蕭關道出塞入塞雲處處黃蘆草從來
幽并客皆共塵沙老莫作遊俠人矜誇紫騮好

三

奉詔甘泉宮揔徵天下兵朝廷備禮出郡國豫郊迎紛紛
幾萬人去者無全生臣願節宮廐分以賜邊城

同前

陶翰 文粹作王季友

進軍飛狐北窮寇兵勢變日落沙塵昏背河更一戰駿一作

駢馬黃金勒琯弓白羽箭射殺左賢王歸奏未央殿欲言

塞下事天子不召見東出咸陽門哀淚如霰線一作哀哀淚如霰

同前

高適

結束浮雲駿翩翩出從戎且憑天子怒復倚將軍雄萬鼓
雷殷地千旗火生風日輪駐霜戈月魄勒琯弓青海陣雲
匝黑山兵氣中萬里不惜死一陣得成功畫圖麒麟閣入
朝明光宮大笑向文士一經何足窮古人昧此道往往成

老翁

二

君不見芳樹枝春花落盡蜂不窺君不見梁上泥秋風始
高燕不棲蕩子從軍事征戰蛾眉嬋娟守空閨獨宿自然
堪下淚况復時聞鳥夜啼

同前

郭士元

寶刀塞上兒身經百戰曾百勝壯心竟來嫖姚知白草山
頭日初沒黃沙戍下悲歌發一作城下蕭條夜靜邊風吹

獨倚營門望秋月

同前

李益

蕃門一作州部落能結束朝馳暮獵南河曲一作朝暮馳獵黃河曲一作燕

聲一斷塞鴻飛牧馬群嘶邊草綠秦築長城城已摧漢武
比上單于臺古來征戰虜不盡今日還復天兵來黃河東
流流九折沙場埋恨何時絕蔡琰沒去造胡笳蘇武歸來
持漢節為報如今都護雄匈奴且莫下雲中請書塞北陰
山石願比燕然車騎功

同前

張籍

秋塞雪初下將軍遠出師分營長記火放馬不收旗月冷
邊帳濕沙昏夜探遲征人皆白首誰見滅胡時

同前

李賀

胡角引北風薊門白於水天含青海道城頭見一作月千里
露下旗濛濛寒金鳴夜刻蕃甲鎖空蛇鱗馬嘶青塚白秋

蕭見旄頭沙遠席羈愁帳北天應盡黃河一作河聲出塞流

同前

姚合

積露黃雲下凝寒鼓不鳴戰須移死地軍諱殺降兵印馬
秋遮虜蒸沙夜築城舊鄉歸不得都尉負功名

同前

馬戴

旌旗倒北風霜霰逐南鴻夜救龍城急朝焚虜帳空骨銷
金鏃在髮改玉關中却想羲軒代無人尚戰功

二

廣漠雲疑慘日斜飛霰生燒山搜猛獸伏道擊迴兵風折
旗竿曲沙埋樹杪平雲飛日一夕集作黃雲偏奏苦寒聲

同前

張喬

勒兵遼水邊風急捲旌先絕塞陰無草平沙去盡天下營
看斗建傳號信狼煙聖代垂青史當書破虜年

同前

張祐

萬里配長征連年慣野營入群來揀馬拋伴去擒生箭插
雕翎闊弓盤鵠角輕問看行近遠西去受降城

同前

陳陶

邊頭能走馬猿臂李將軍射虎群胡伏開弓絕塞聞海山
諳向背攻守別風雲只爲坑降罪輕車未轉勳

二

望胡關下戰雜虜喪全師鳥啄豺狼將沙埋日月旗牛羊
奔赤狄部落散燕耆都護凌晨出銘功痊死屍

出塞

劉孝標

薊門秋氣清飛將出長城絕漠衝風急交河夜月明陷敵
縱金鼓摧鋒揚旆旌去去無終極日暮動邊聲

同前

王褒

飛蓬似征客千里自長驅塞禽唯有鴈關樹但生榆背山
看故壘繫馬識餘蒲

始皇繫蒲繫馬在淄州名蒲臺

還因麾下騎來送月

支圖

同前

竇威

匈奴屢不平漢將欲縱橫看雲方結陣却月始連營潛軍
渡馬邑揚旆掩龍城會勒燕然石方傳車騎名

同前二首

楊素

漢南胡未空漢將復臨戎飛狐出塞北碣石指遼東冠軍
臨瀚海長平翼大風橫虎落陣氣抱龍繞城虹橫行萬里
外胡運百年窮兵寢星芒落戰解月輪空嚴鯨息夜斗駢
角罷鳴弓北風嘶朔馬胡霜切塞鴻休明大道暨幽荒日
用同方就長安邸來謁建章宮

二

漢虜未和親憂國不憂身握手河梁上窮涯北海濱據鞍
獨懷古抗慨感良臣歷覽多舊迹風日慘愁人荒塞窮千
里孤城絕四隣樹寒偏易古草衰恒不春交河明月夜陰
山苦霧辰鴈飛南入漢水流西咽秦風霜久行役河朔備
艱辛薄暮邊聲起空飛胡騎塵

同前二首

薛道衡

高秋白露團上將出長安塵沙塞下藉風月隴頭寒轉蓬
隨馬足飛霜落劍端凝雲迷代郡流水凍桑乾烽微桔槔
遠橋峻輓轡難從軍多惡少召募盡材官伏波一作堤時卧
鼓疑兵乍解鞍龍一作柳城擒冒頓長坂納呼韓受降今更
築燕然已重刊還嗤傳介子辛苦刺樓蘭

二

遼庭烽火警插羽夜徵兵少昊騰金氣文昌動將星長驅
鞬汗北直指夫人城絕漠三秋暮窮陰萬里生寒夜哀笳
曲霜天斷馬聲旌旗連下鹿一作連塞鼙鼓向龍庭妖雲墜虜陣暈
月遙胡營左賢皆頓顙單于已繫纓絁馬登玄闕鈎鯤臨

北溟當知霍驃騎高第起西京

同前二首 和楊素

虞世基

窮秋塞草腓塞外胡塵飛徵兵廣武至候騎陰山歸廟堂
千里策將軍百戰威轅門臨玉帳大旆指金徽摧朽無勅
敵應變有先機銜枚壓曉陣卷甲解朝圍瀚海波瀾靜王
庭氛霧晞鼓鼙嚴朔氣原野暄寒暉勳庸震邊塞歌吹入
京畿待拜長安坂鳴騶入禮闈

二

上將三畧遠元戎九命尊緬懷古人節思酬明主恩山西
多虜氣塞北有遊魂楊抱度龍坡勒騎上平原誓將絕沙
漠悠然去玉門輕齋不違舍驚策騫戎軒凜凜邊風急蕭

蕭征馬煩雪暗天山道水塞交河源霧烽黯無色霜旗燭
不翻耿介倚長劔日落風塵昏

同前

楊炯

塞外欲紛紛雌雄猶未分明堂占氣色華蓋辨星文二月
河魁將三千太一軍丈夫皆有志會是立功勳

同前

張柬之

俠客重恩光駉馬飾金裝暫聞傳羽檄馳突救邊荒歛野
山川動囂天旌旆揚吳鉤明似月楚劔利如霜電斷衝胡
塞風飛出洛陽轉戰磨笄俗橫行載一作戴斗御手擒郅支

長面縛谷蠡王將軍占太白少婦怨流黃驪裊青絲騎娉
婷紅粉粧三春鶯度曲八月鴈成行誰堪坐愁思羅袂拂

空床

同前

喬備

沙場三萬里猛將五千兵旌斷冰溪戍笳吹鉄關城陰雲
暮下雪寒日晝無晶直為懷恩苦誰知邊塞情

同前

王之奩

黃沙直上白雲間一片孤城萬仞山羌笛何須怨楊柳春
光不度玉門關

同前

王維

居延門外獵天驕白草連山野火燒暮雲空磧時駐馬秋
日平原好射鵬護羌校尉朝乘障破虜將軍夜渡遼玉靶
角弓珠勒馬漢家將賜_{一作}在嫖姚駐_{一作}

同前五首

杜甫

戚戚去故里悠悠赴交河公行有程期亡命嬰裊羅君已
富土境開邊一何多棄絕父母恩吞聲行負戈

二

出門日已遠不受徒旅欺骨肉恩豈斷男兒死無時走馬
脫轡頭手中挑青絲捷下萬仞岡俯身試舉旗

三

迢迢萬餘里領我赴三軍軍中異苦樂主將寧盡聞隔河
見胡騎倏忽數百群我始為奴僕幾時樹功勳

四

挽弓當挽強用箭當用長射人先射馬擒寇先擒王殺人

亦有限列國自有疆苟能制侵凌豈在多殺傷

五

從軍十年餘能無分寸功衆人貴苟得欲語羞雷同中原
有爭鬪况在狄與戎丈夫四方志安可辭固窮

同前三首

一作後出塞

前人

男兒生世間及壯當封侯戰伐有功業焉能守舊丘召募
赴薊門軍動不可留千金買馬鞭一作鞍百金裝刀頭閭里
送我行親戚擁道周班白居上列酒醑進庶羞少年別有
贈含笑看吳鉤

二

古人重守邊今人重高勳豈知英雄主出師一作長長雲

六合已有家四夷且孤軍遂使貔虎一作武士奮身勇所聞

拔劍擊大荒日暮收胡群誓開玄冥北持以奉吾君

二

獻凱日繼踵兩蕃靜無虞漁陽豪俠地擊鼓呼笙竽雲帆
轉遼海粳稻來東吳越羅與楚練照耀輿臺軀主將位益
崇氣驕凌上都邊人不敢議議者死路衢

同前

于鵠

行人朝走馬直走薊城傍薊城通漢北萬里別吳鄉海上
一烽火沙中百戰場軍書發上郡春色度河陽裊裊漢宮
柳青青胡地桑琵琶出塞曲橫笛斷君腸

同前三首

于鵠

微雲將出軍一作微雪吹笳天未明觀兵登古戍斬將對

雙旌分陣瞻山勢潛軍制馬鳴如今新史上已有滅胡名

二

葱嶺秋塵起全一作收軍取月支山川引行陣蕃漢列旌旗

轉戰疲兵少孤城外救遲邊人聖明代不見偃戈時

三

單于驕愛獵放火到軍城乘一作待月調新馬一作弩防秋置

遠營空山朱戟影寒磧鉄衣聲逢着降胡說沙陰有伏兵

同前

將軍在重圍音信絕不通羽書如星流飛入耳泉宮倚是

并州兒少年心膽雄一朝切隨召募百戰爭王公去年桑乾

劉灣文釋作劉濟

堯今年桑乾東死是征人死功是將軍功汗馬牧秋月瘞

人卧霜風仍聞左賢王更欲圍一作圖雲中

同前

劉駕

胡風不開花四氣多作雪北人尚凍死况我本南越古來

犬羊地巡狩無遺轍九土耕不盡武皇猶戰一作征伐中天

有高閣圖畫何時歇坐恐塞上山低於沙上一作中骨

塞上

鄭惜

荒壘三軍夕窮郊萬里平海陰凝獨樹月氣下連營戎旆

霜凝重邊裘寒更輕將軍猶轉戰都尉不成名折柳悲春

曲吹葭斷夜聲明年漢使返猶築受降城

入塞

王褒

戍久風塵色勳多意氣豪建章樓闕迥一作近長安陵樹一作迴
高度冰傷馬骨經寒墜節毛行當見天子何假用錢刀

同前 王貞白

玉殿論兵事君王詔出征新除羽林將曾破月支兵慣歷
塞垣險能分部落情從今一戰勝不使虜塵生

文苑英華卷第一百九十七

文苑英華卷第一百九十八 詩四十八首

樂府七

度關山七首 關山曲二首

關山月十七首 隴頭水十四首

隴頭吟三首 隴西行八首

出自薊北門行六首 擬塞外征行一首

苦戰行一首

度關山 梁簡文帝

關山遠可度遠度復難思直指遮歸道都護總前期力農
爭地利轉戰逐天時材官蹶張皆命中弘農越騎盡舉旗
舉旗遠不息驅虜何窮極狼君一封難再覩閼氏未去無

容色銳氣且橫行朱旗亂日精先屠光祿塞却破夫人城
凱歌歸舊還今日是功名一作凱歌還舊里非是銜功名

同前

劉尊

隴頭一作樹寒色落寒雲朝欲開谷深輦易響路狹慙難迴

當知結綬去非是棄繻來行人思顧返道別且徘徊願度

關山鶴勞歌立可哀

同前

王訓

邊庭多警急羽檄未曾閑從軍出隴坂驕一作驅馬度關山

關山恒掩靄一作掩害高峯白雲外遙望秦川中一作水千里長

如帶好勇自秦中意氣本一作多作英雄少年便習戰十四已

從戎昔年從一作經上郡今歲出雲中遼水深難渡榆關斷

未通折衝陵絕域流蓬驚未息胡風朝夜起平沙不相識

兵法貴先聲軍中自有程逗留皆一作難贖罪先登盡一城

都護疲詔吏將軍擅發兵平虜疑縱火飛鷗畏犯營輜重

一為鹵金刀何用盟誰人知出外一作誰知獨有漢飛名

同前

關山度曉月劍客還一作遠從征雲中出迴陣天外落奇兵

輪摧偃去節樹倒礙懸旌沙場折一作場坂暗雲磧榆溪明

馬倦時銜草人疲屢看城寒一作塞隴胡笳溢空一作寒林漢

鼓鳴還嗟幽一作聽咽水併切斷腸聲

同前

戴嵩

昔聽隴頭吟平居已流涕今上關山望長安樹如薺千里

非鄉邑四海一作百皆兄弟軍中大體共一作自相褒其間

得意各為曹博陵輕俠皆無為幽州重氣本多豪馬肥一作

首宿葉劔瑩礪鷓膏初征心未息復值鴈飛入山頭看

月高一作近草上知風急笛揭一作碣曲難成笳繁響還澁武

帝信一作初承平東伐復南一作西征薊門海作塹榆塞水為

城催令四校出倚望三邊平箭箠朝來動刀環臨陣鳴將

軍一百戰都尉一作護五千兵且決雌雄眼前利誰道功名

身後事丈夫意氣本自然來時辭第已聞天但今此心此

命在不交一作持烽火照甘泉

同前

李端

鴈塞日初晴飛狐一作胡關雪復一作平危關一作樓

廣漢古竇傍長城一作插又作一作劍金星出翻弓玉羽輕一作

鳴玉羽誰云一作知係虜者賈誼是書生

同前

王貞白

只領千餘騎長驅磧邑間雲州多警急雪夜度關山石響

鈴聲遠天寒弓力慳秦樓休悵望不日凱歌還

關山曲二首

馬戴

金鎖耀光螯黃雲拂紫騮叛羌旗下戮陷壁夜中收霜霰

戎衣月關河磧氣秋箭瘡殊未合更遣在一作擊蘭州

二

火發龍山北中宵易左賢勒兵臨漢水驚鴈散胡天水落

防河急軍孤受敵偏猶聞漢皇怒按劔待開邊

關山月

梁元帝

朝望青

一作清

波道夜上白登臺月中有

一作舍

桂樹流景

一作

影自徘徊寒沙逐風起春花向

一作犯

雪開夜長無與晤衣

單誰為裁

同前

梁陸瓊

邊城與明月俱在關山頭焚烽望別壘擊斗宿危樓團團

婕妤扇織織秦女鈎鄉園誰共此愁人屢益愁

同前

張正見

巖開度月華流彩映山斜暈逐連城壁輪隨出塞車唐冥

遙合影秦桂遠分花欲驗盈虛駛

一作理

方知道路賒

同前二首

徐陵

關山三五月客子憶秦川思婦高樓上當牕應未眠星旗

映疎勒雲陣上初連戰氣今如此從軍復幾年

二

月出柳成東微雲掩復通蒼茫縈白暈蕭瑟帶長風羗兵

燒上郡胡騎獵雲中將軍擁節起戰士夜鳴弓

同前

賀力牧

重關歛暮煙明月下秋前照石疑分鏡臨弓似共

一作引 弦

雲

一作霧

暗迷旗影霜濃濕劍蓮此處離鄉客遙心萬里懸

同前

阮卓

關山陵漢開霜月正

一作自

徘徊映林如壁碎侵塞似輪摧

楚師隨晦進胡兵逐煖來寒笳將夜鵲相亂晚聲哀

文苑英華 卷一百五十一

同前

王褒

關山夜月明一作今夜月愁一作秋色照孤關一作關城半形一作影同

漢陣全影一作輪逐胡兵灰一作天寒光轉白風多暈欲生寄

言亭上吏遊客解雞鳴

此詩一百五十卷重出今削去

同前

盧照陵

塞垣通碣石虜陣一作障抵祁連相思在萬里明月不長一作

孤懸影移金岫北光斷玉門前寄言閨一作書中婦愁一作時

看鴻鴈天

同前

崔融

月出生一作西海一氣逐邊風壯萬里照一作度關山蒼茫非

一狀漢兵開郡國胡馬窺亭障夜夜聞悲笳征人起南望

同前

李白

明月出天山蒼茫雲海間長風幾萬里吹度玉門關漢下

白登道胡窺青海灣由來征戰地不見有人還戍客望邊

色一作色思歸多苦顏高樓當此夜歡息未應閑

同前

釋皎然

家家望秋月不及秋山望山心萬境長寂寞夜夜孤明我

山上海人皆在疑生海東山人自謂出山中憂歡虞樂皆

占月月本無心同不同自從有月山不改古人望盡今人

在不知萬世今夜時孤月將誰更相待

同前

司空曙見集

文苑英華 卷一百五十一

余啟

蒼茫明月上夜久光如積野幕冷胡霜關樓宿邊客隴頭
秋露暗積外寒沙白唯有故鄉人露裳此聞笛

同前

李端

露濕月蒼蒼關頭榆葉黃迴輪照海遠分彩上樓長水凍
頻移幕兵疲數望鄉只應城影外萬里共胡霜

同前

女郎鮑君微

高高秋月明北照遼陽城塞迥光初滿風多暈更生征人
望鄉思戰馬聞聲驚朔風悲邊草胡沙昏虜營霜凝匣中
劍風憊原上旌早晚謁金闕不聞刀斗聲

同前

陳陶

昔年嫖姚護羗月今照嫖姚雙鬢雪青塚曾無尺寸歸錦

書多曾

一作寄窮荒骨百戰金瘡體沙磧鄉心一片懸秋碧

漢城應期

一作漢帝憑帝

破鏡時胡塵萬里嬋娟隔度磧衝雲朔

風起邊笳欲晚生青珥隴上橫吹霜色刀

一作色如刀

何年斷

得匈奴臂

此詩一百五十二卷重出今已削去注異同為一作

隴頭水

梁元帝

銜悲別隴頭關路漫悠悠故鄉迷遠近征人分去留沙飛
晚成幕海氣夜旦一作如樓欲識秦川處隴水向東流

同前

劉孝威

從軍戍隴頭隴水帶沙流時觀胡騎飲常為漢國羞釁妻
成兩劍教子犯雙鈎將頓樓蘭膝一作頓取就解卸支裘

文苑英華 卷一百九十五
六
勿令如李牧功名遂不酬一作勿令如李廣功遂不封侯

同前

顧野王

隴頭望秦川迢迢隔風煙蕭條落野樹幽咽響流泉瀚海波將息交河水未堅寧知蓋山水逐節赴危絃

同前

謝燮

隴坂望咸陽征人慘思腸咽流喧斷岸遊沫聚飛梁鳧分歛冰彩虹飲照旗光試聽饒歌曲唯吟君馬黃

同前二首

張正見

隴頭鳴四注征人逐二師羌笛合一作合流咽胡笳雜水悲湍高飛轉駛澗淺蕩還遲前旗去不見上路杳無期

二

隴頭流水急流急行難度遠入隄囂營傍侵酒泉路心交賜寶刀小婦成紉袴欲知別家父戎衣今已故

同前

徐陵

別途聳千仞離川懸百丈攢荆夏一作下不通積雪冬一作終難上枝交隴底暗石礙波前響迴首咸陽中唯言往時夢

同前二首

江總

隴頭萬里外天崖四面絕人將蓬共轉水與啼俱咽驚湍自湧沸古樹多摧折傳聞博望侯辛苦持一作題漢節

二

霧暗川中日風驚隴上秋徒傷幽咽響不見東西流無期從此別更度幾年幽遙聞玉關道望人杳悠悠

同前

車鼓

隴頭征人別隴水流聲咽只為識君恩其心從苦節雪凍
弓絃斷風鼓旗竿折獨有孤雄劍龍泉字不滅

同前

盧照隣

隴坂高無極征人望故一作望鄉關河別去水沙塞斷歸腸
馬繫千年樹旗懸九月霜從來苦一作共鳴咽皆是為勤王

同前

楊師道

隴頭秋月明隴水帶關城笳添離別曲風送斷腸聲映雪
峯猶暗乘冰馬屢驚霧中寒鴈至沙上轉蓬輕天山傳羽
檄漢地急徵兵陣一作開都護道劍聚伏波營於茲覺無度方
共濯胡纓

同前

沈佺期

隴山風落葉隴鴈淚寒天君見三秋水分為兩地泉西流
入羗郡東下向秦川征客方回首肝腸空自憐

同前

員半千

路出金河道山連玉塞門旌旗雲裏度楊柳曲中喧蹀血
多壯膽衰草疑作裹草無怯魂嚴霜歛曙色大明辭朝暎塵銷
營卒壘沙靜都尉垣霧卷白山出風吹黃葉翻將軍獻凱
入萬里絕河源

隴頭吟

王維

長城少年遊俠客夜上戍樓看太白隴頭明月迴臨關隴
上行人夜吹笛關西老將不勝愁駐馬聽之雙淚流身經

大小百餘戰麾下偏裨萬戶侯蘇武纔爲典屬國節旄空

盡一作零落海西一作南頭

司前二首

釋皎然

隴西心欲絕隴水不堪聞碎影搖槍壘寒聲咽慢軍素從

鹽海積綠帶柳城分日落天邊望逶迤入塞雲

二

秦隴逼氐羗征人去未央如何幽咽水併欲斷君腸西注

悲窮漠東分憶故鄉旅魂聲攪亂無夢到咸陽一作遼

隴西行三首

梁簡文帝

隴西四戰地羽檄歲時聞護羗擁漢節校尉立功勲石門

留鐵騎冰城息一作夜軍洗兵逢驟雨送陣出黃雲沙長

無止泊水脉屢縈分當田思勒漢鼎一作勒鼎無用想羅

裙

二

悠悠懸旆旌如何隴西行城竈驅前馬銜救進後軍一作兵

沙飛朝似暮一作幕雲起夜疑明一作城迴山時阻路絕水亟

一作極稽程往年到支服今歲單于平方歡凱樂盛飛蓋蒲

西京

三

仲一作邊秋胡馬肥雲一作雪中驚寇入勇氣特一作時無侶輕

兵救邊急沙平不見虜嶂轉一作險還相及出塞豈成歌經

川未遑汲烏孫塗更阻康居路猶澁月暈抱龍城星眉照

馬邑長安路遠書不還寧知征人獨一作空佇立

同前

庾肩吾

借問隴西行何當驅馬征草合迷前路雲濃暗後城寄語幽閨妾羅袖勿空縈

同前四首

陳陶

漢主東封報太平無人金闕議邊兵縱饒奪得林胡塞磧地桑麻種不生

一

誓掃匈奴不顧身五千貂錦喪胡塵可憐無定河邊骨猶是春閨夢裏人

三

隴戍三看塞草青樓煩一作新替誰嗔羌兵同來死者傷離別一夜孤兒哭舊營

四

點虜生擒未有涯黑山營陣識龍蛇自從貴主和親後半胡風似漢家

出自薊北門行

徐陵

薊北聊長望黃昏心獨愁燕然一作山對古剎代郡隱一作倚

城樓屢戰橋恒斷長冰塹不流天雲如地陣漢月帶胡秋

乞一作請一作責一作請土泥函谷接繩縛涼州平生燕領相會自去一作

得封侯

同前

庾信

虜陣橫北荒胡星耀精芒羽書速驚電烽火盡連光虎竹

投一作救邊急戎車森已行明主不安席按劍心飛揚推轂

出猛將連旗登戰場兵威衝絕漠殺氣凌穹蒼列卒一作陣

赤山下開營紫塞傍孟冬風沙緊旌旃一作旛旛一作旛颯凋傷盡

角悲海月征衣卷天霜揮刃斬樓蘭彎弓射賢王單于未

一作平蕩種落已奔亡收功報天子歌舞歸咸陽

同前

李希仲

旄頭有精芒胡騎獵秋草羽檄南渡河邊庭用兵早漢家

愛征戰宿將今已老辛苦羽林兒從戎榆關道一身救邊

庭一作速烽火連薊門前軍鳥道斷一作飛斷格鬪塵沙昏寒日

鼓聲急單于夜將奔當須徇中心義身死報國恩

同前

曹鄴

長河凍如石征人夜中戍但恐筋力盡敢憚將軍遇古來

死未歇白骨碍官路豈無一有功可以高其墓親戚牽衣

泣悲號自相顧死者雖無言那堪生者悟不如無手足得

見齒髮暮乃知七尺軀却是速死具

同前

王貞白

薊北連極塞塞色晝冥冥戰地骸骨蒲長時風雨腥沙河

留一作流不定春草凍難青萬戶封侯者何謀靜虜庭

擬塞外征行

寇騎蒲雞田都護欲臨邊青泥方絕漠懷劍始辭燕旌旗

挂龍虎壯士募鷹鷂長城威十萬高嶺奮三千行行向馬

邑去去指祁連鼓聲遙赤塞兵氣遠衝天對陣雲初上臨
城月始懸風驚烽易滅沙暗馬難前恩重恒思報勞心疑
勞心疑屢損年微功一可立身輕不自憐

苦戰行

杜甫

苦戰身死馬將軍自云伏波之子孫干戈未定失壯士使
我歎恨傷精魂去年南行一作江南討狂賊臨江把臂難再得
別時孤雲今不飛時獨看雲淚橫臆

文苑英華卷第一百九十八

文苑英華卷第一百九十九

詩四十九

樂府八

從軍行四十三首

古海從軍行一首

從軍有苦樂行一首

軍中行一首

從軍行二首

梁簡文帝

雲中亭嶂

一作障

羽檄驚甘泉烽火夜深

一作通夜

明二師將軍

新築營嫖姚校尉初出征復有山西將絕世受

一作愛

雄名

三門應遁甲五壘學神兵白雲隨陣

一作旆

色蒼山峇鼓聲

先平小月障却滅大宛城善馬還長樂黃金付水衡小婦

趙人能鼓瑟侍婢初笄解鄭聲迤邐觀鵝翼參差覩鴈行

庭前柳花

一作桃花又作柳絮

飛欲合必應紅粧起見

一作來起

迎

二

貳師惜善馬樓蘭貪愛財前年平一作出右地今歲討輪臺
魚雲望旗聚龍沙隨陣開冰城朝浴鐵地道夜銜枚將軍
號令密天子璽書催何時反舊里遙見下機來

同前

梁元帝

寶劍飾龍烟長虹畫彩旃山虛和鏡管水靜馮樓船連雞
隨火度燧象帶烽然洞庭曉風急瀟湘夜月圓荀令多文
藻臨戎賦雅篇

同前

蕭子雲一作顯

左角名王侵漢邊輕薄家子一作良家惡少年縱橫向沮澤凌
厲取沙田黃塵不見景飛蓬恒蒲天邀功封泥野竊寵拜

一作却初連春風春月將進酒妖姬舞女亂君前

同前

劉孝儀

冠軍親俠射長平自解一作合圖木落雕弓燥氣秋征馬肥

賢王皆屈膝幕府復申威何為從軍樂往還速如飛

同前

沈約

惜哉征夫子憂恨良獨多浮天出鯁海束馬渡交河雪縈
九折嶮風卷萬里波維舟無夕島秣驥乏年莎凌濤富驚
沫援木闕垂蘿江颺鳴疊嶼流雲照層阿玄埃晦朔馬白
日照吳戈寢興動征怨寤寐起還歌晨裝豈輟驚夕壘詎
淹和苦哉遠征人悲矣將如何 風卷集作風堅夕壘一作夕壘

同前

戴嵩樂府作吳筠

長安夜刺閨夜警投刺於門下胡騎犯一作白銅錠詔書發隴右召

募取關西劍懸三尺鞘鎧累七重犀督軍鳴戰鼓連夜數

更鞞侵星向柳塞際暗入榆溪秦涇含藥鴉晉火逐飛雞

逼泉開一作通地道望敵豎雲梯陰山日不暮一作著長城風

自淒弓寒折錦綬十入反字林云雜馬凍滑斜蹄燕旗竿

上脆羗吹一作笛管中嘶登山成一作試下趙憑軾且平齊當

今函谷上唯用一九泥

同前二首

張正見

胡兵屯薊北漢將起山西故人輕百戰聊欲定三齊風前

噴畫角雲上舞飛梯鴈塞秋聲遠龍沙雲路迷燕然自可

勒函谷詎須泥

二

將軍定朔邊刁斗出初連高柳橫絕塞長榆接遠天井泉

含凍碣烽火照山燃欲知客心斷危旌萬里懸

同前二首

王褒

兵書久閑習征戰數曾經講戎平樂觀學戲一作羽林亭

西征度踈勒東驅出井陘牧馬濱長渭營軍毒上涇平雲

如陣色半月類城形羽書封信璽詔使動流星對岸流沙

白綠河柳色青將幕恒臨斗旌門常背刑勲封瀚海石功

勒燕然銘兵勢因麾下軍圖送掖庭誰憐下玉筋向幕掩

金屏

二

黃河流水急，驄馬送征人。谷望河陽縣，橋渡小平津。惡少年一作多遊俠，結客好輕身。代風愁握馬，胡霜宜角筋。羽書勞警急，邊鞍倦苦辛。康居因漢使，盧龍有一一作稱魏臣。荒戍唯看柳，邊城不識春。男兒重意氣，無爲羞賤貧。

同前

庾信

河圖論陣氣，金匱辨星文。地中聞鼓角，天上下將軍。函犀恒七屬，絡鐵本千群。飛梯聊度絳，合弩蹙凌汾。寇陣先中斷，妖營即兩分。連烽對嶺度，嘶馬隔河聞。箭飛如疾雨，城崩似壞雲。英王於此戰，何用武安君。

同前

周趙王

遼東烽火照，井泉薊北庭。障接燕然水，凍菖蒲未生。節關一作葉不成錢。

同前

盧思道

朔方烽火照，井泉長安飛。將出祁連羣，渠玉劔良家子。白馬金羈一作鞍，俠少年平明偃月屯。右地薄暮魚麗逐，左賢

谷中石虎經，嘶箭山上金人曾。祭天天涯一去無窮已，薊門迢遞三千里。朝見馬嶺黃沙合，夕望龍城陣雲起。庭中竒樹已堪攀，塞外征人殊未還。白雪初下天山外，浮雲直上一作向五原關。一作問關山萬里不可越，誰能坐對芳菲月。流水本自斷人腸，堅冰舊來傷馬骨。邊庭節物與華異，冬霰秋霜春不歇。長風蕭蕭度水來，歸鴈連連映天沒。從軍行從軍萬里出，龍庭單于渭橋今已拜。將軍何處覓功名。

同前

明餘慶

三邊烽亂警十里且橫行風卷常山陣笳喧細柳營
花寒不落弓月曉逾明會取淮南地持一作作朔方城

同前三首

虞世南

塗山烽候警弭節度龍城冀馬樓蘭將燕犀上谷兵
劔寒花不落弓曉月逾明凜凜嚴霜節冰壯黃河絕蔽日卷征蓬
浮天散飛雪全兵值月蒲精騎乘膠折結髮早驅馳辛苦事旌
旄一作旄馬凍重關冷輪摧九折危獨有山西將年屬數奇

二

燿一作火發金微連營出武威孤城塞雪起絕陣虜塵飛

俠客吸龍劔惡少縵胡衣朝摩骨都壘夜解谷蠡圍蕭
遠無極蒲海廣難依沙磧離旌斷晴川候馬歸交河梁已畢
燕山旆欲飛一作方知萬里相侯服一作光輝

同前

楊炯

烽火照西京心中自不平牙璋辭鳳闕鉄騎遶龍城雪暗
凋旗畫風多雜鼓聲寧為百夫長勝作一書生

同前

駱賓王

平生一顧重一作意氣溢三軍野日分戈影天星合劔文
弓弦抱漢月馬足踐胡塵不求生入塞唯留死報君

同前

西征軍行遇風

崔融

北風卷塵沙左右不相識颯颯吹萬里昏昏同一色馬煩

莫敢進人怠未遑食草木春更悲天景晝相匿夙齡慕忠
勇雅尚存孤直覽史懷浸驕讀詩歎孔棘及茲戎旅地忝
從書記職兵氣騰百荒軍聲動四極坐覺威靈遠行看氛
縵息愚臣何以料倚馬申微力

同前

前人

穹廬雜種亂金方武將神兵下玉堂天子旌旗過細柳
匈奴運數盡枯楊關頭落日橫西夜塞下凝雲斷地荒漢
漠邊塵飛衆鳥昏昏朔氣聚群羊依稀蜀杖迷新竹髣髴
胡麻識故桑臨海舊來聞驃騎尋河本自有中郎坐看戰
壁爲平土近侍軍營作破羞

同前

喬知之

南庭結白露北風掃苦葉此時鴻鴈來驚鳴催思妾曲房
理針線平砧擣文練鴛綺裁易成龍鄉信難見窈窕九重
閨寂寞十年啼紗窓白雲宿羅幌月光棲雲月曉微微愁
思流黃機玉霜凍珠履金吹薄羅衣漢家已得地君去將
何事宛轉結蠶書寂寥無鴈使平生荷恩信本爲容華進
况復落紅顏蟬聲催綠鬢

同前

劉希夷

秋天風颯颯一作秋風來瑟瑟群胡馬行疾嚴城晝不開伏兵暗
相失天子廟堂拜將軍凶門出紛紛一作洛陽道一作伊
戎馬幾萬疋軍門壓黃河兵氣衝白日平生懷伏劔慷慨
即投筆南登漢月孤北走代一作燕雲密近取韓彭計早知

孫吳術丈夫清萬里誰能掃一室

同前

王寵

兒生三日掌上珠鸞頷徠肱穠李膚十五學劔北擊胡羗
歌燕筑送城隅城隅路接伊川驛河陽渡頭邯鄲陌可憐
少年把手時黃鳥雙飛一作雙雙梨花白秦皇築城三千里西
自臨洮東遼水山邊疊疊一作壘黑雲飛海畔莓莓青草死
從來戰鬪不求勲殺身為君君不聞鳳凰樓上吹急管落
日徘徊腸先斷

同前

賀潮清

朔風乘月寇邊城軍書插羽刺一作鳴中京天子金壇拜飛
將單于玉塞振佳兵騎射先鳴一作任俠龍翰決勝佇時英

關有河書客惜惜理帷帟常山啓霸圖泥水先天策銜
浴鐵向桑乾疊旗膏劔指烏丸鳴雞已報關山曉來鴈遙
傳沙塞寒直為甘心從苦節隴頭流水長嗚咽邊樹蕭蕭
不覺春天山漠漠長飛雪魚麗陣接雲塞平鴈翼營通海
月明始看晉幕飛鵝入旋聞齊壘鳴鳥一作鳥聲自從一戍
燕支山春光幾度晉陽關金河未轉青絲騎玉筋應啼紅
粉顏鳴歸燕相續池邊芳未綠已見氛一作氣清細柳營莫
更春歌落梅曲烽沉龜城靜邊亭海晏山空肅已寧行望
鳳京旋凱捷重來麟閣畫丹青

同前

王維

吹角動行人喧喧行人起笳應一作悲馬嘶亂爭渡金河水

日暮沙漠垂力戰

一作戰聲

煙塵裏盡繫番王頸歸來報天子

同前

李昂

漢家未得燕支山征戍年年沙朔間塞下長駐流血馬雲

中恒聞

一作開

玉門關陰山瀚海千萬里此日桑河凍流水

稽洛山邊胡騎來漁陽戍裏烽煙起長途羽檄何相望天

子按劍思北方羽林練士拭金甲將軍校戰出玉堂幽凌

異域風煙改亭嶂連連古今在夜聞鳴鴈南渡河曉望旌

旗北臨海塞沙飛浙瀝遙裔連窮蹟玄漠雲平初合陣西

山月出聞鳴鏑城南百戰多辛苦路傍死卧黃沙人戎衣

不脫隨霜雪汗馬趁輝長被鉄楊葉樓中不寄書蓮花劍

上空流血匈奴未滅不言家駐逐行行邊徼賒歸心海外

見明月別思天邊夢落花落花迴望何悠悠芳樹無來

隴頭春雲不變陽關雪桑葉先知胡地秋田疇不賣盧龍

策實憲思勒燕然石麾兵靜北垂日然交河涓欲令塞上

無干戚會待單于繫頸時

同前

崔國輔

塞北胡霜下營州索兵救夜間

一作夜

偷道行將軍馬亦瘦

刀光照塞月陣色明如畫傳聞賊蒲山已共前鋒鬪

同前

王昌齡

關城榆葉早踈黃日暮雲沙古戰場表請迴軍掩塵骨莫

教兵士哭龍荒

同前四首

劉長卿

迴看虜騎合城下漢兵稀白刃兩相向黃雲愁不飛手中
無尺鉄徒欲穿一作突長圍

二

草枯秋塞上望見漁陽郭胡馬嘶一聲漢兵淚雙落誰為
吮癰者此事今人薄

三

目極鴈門道青青邊草春一身事征戰足馬同苦辛一作辛勤
末路成白首功歸天下人

四

黃沙一萬里白首無人憐報國劔已折歸鄉身幸全單于
古臺下邊色寒蒼然

同前三首

李約

看圖開教陣畫地靜論邊烏壘天西戍鷹姿塞上川路長
唯筭月一作筭日書遠每題年無復生還望翻思未別前

二

柵壕一作高三面聞箭盡舉烽頻營柳和煙暮關榆帶雪春
邊城多老將磧路少歸人殺盡金一作點河卒年年添塞

塵

三

候火起雕與鵬同城塵沙擁戰聲遊軍藏漢幟降騎說蕃情
霜落澤沱一作泥池淺秋深太白明嫋姚方虎視不覺說一作請

添兵

同前

杜顏

秋草馬蹄輕角弓持弦急去為龍城候正值胡兵襲軍氣

橫大荒戰酣日將入長風金鼓動白露一作霧鉄衣濕四起

愁邊聲南轅時佇立斷蓬孤自轉塞鴈飛相及萬里雲沙

漲平川一作路平水霰澁夜聞漢使歸獨向刁環泣

同前

盧綸

二十在邊城軍中得勇名卷旗爭一作收敗馬占一作磧護

集作擁殘兵覆陣烏鳶起燒山草木鳴集作明塞閉思遠獵師

老厭分營雪嶺無人跡冰河足集作有鴈聲李陵其此沒惆

悵漢公卿

同前

釋皎然

候騎出紛紛元戎霍冠軍漢鞞秋砧地蒸火晝燒雲一里

戍一作萬里戎城合三邊羽檄分烏孫驅不一作未盡肯顧遼陽

勲

同前三首

姚合

朝朝十指痛唯署點兵符貧賤依前在顛狂一半無身慙

山友棄膽頼酒杯扶誰道從軍樂春來鑷白鬚

二

每日尋兵籍經年集作時別酒徒眼疼長不校肺病且還無

僮僕驚衣窄親情覺語龕幾時得歸去依舊作山夫

三

濫得進士名才用苦不長性僻藝亦獨十年作詩引章六

義雖粗成名字猶未揚將軍俯招引遣脫儒衣裳常恐虛
受恩不慣一作能把刀鎗又無遠籌畧坐使虜滅亡昨來發
兵師各各赴戰場顧我同老弱不得隨戎行丈夫生世間
職分貴所當從軍不出門豈異病在牀誰不戀其家其家
無風霜鷹鵠念搏擊豈貴食蒲腸

同前

從軍集作從事

王貞白

從軍朔方久未省用干戈祗以恩信及自然戎虜和邊聲
動白草燒色入枯河每度因看獵令人勇氣多

古悔從軍行

前人

懷昔仗孤劔十年從軍威論兵親玉帳逐虜過金微隴水
秋先凍關雲漢一作寒不飛辛勤功業在麟閣志猶集作多遺

從軍有苦樂行

李益

勞者且莫一作勿歌我欲歌送一作送君觴行一作從軍有苦樂此

曲樂未央僕居在一作本居隴上隴水斷人腸東過秦宮

路宮路入咸陽時逢漢帝出諫獵至長楊詎馳遊俠窟非

結少年場一旦承嘉惠輕身一作命重恩光秉筆參帷帟從

軍至朔方邊馬一作地多陰風草木自淒涼斷絕西海一作海雲

去出沒胡沙長參差引鴈翼慙麟騰軍裝劔文夜如水馬

汗涼一作凍成霜使一作狹氣五都少矜功六郡良山河起日

前睚眦死路傍北逐驅種一作種虜西臨復舊疆昔還賦餘

資今出乃羸粮一矢一作破夏服我弓不再張寄語丈夫

雄苦樂身自當

文苑英華 卷一百九十九

文苑英華卷第一百九十九



文苑英華

卷之九

十一

